

寧國府志卷二十四

藝文志

詩上

六朝

送別王宣城

鮑照

發郢流楚思涉淇興衛情既逢青春獻復值白蘋生廣望周
千里江郊藹微明舉爵自惆悵歌管為誰清潁陰騰前藻淮
陽流昔聲樹道慕
高華屬路佇深馨

之宣城郡出新林浦向板橋

謝朓

江路西南永歸流東北驚天際識歸舟雲中辨江樹旅思倦
搖搖孤遊昔已屢既歡懷祿情復協滄洲趣蠶塵自茲隔賞
心於此遇雖無元
豹姿終隱南山霧

寧國府志

卷二十四

藝文志 詩上

一

至宣城郡

下帷闕章句高談愧名理疎散謝公卿蕭條依掾史簪髮逢
嘉惠教義承君子心迹苦未并憂歡將十祀幸沾雲雨慶方
轡參多士振鷺徒追飛群龍難隸齒烹鮮止貪競共治厲廉
耻伊余昧損益何用祖千里解劍北宮朝息駕南川涘寧希
廣平詠聊慕華陰市棄置宛洛遊多謝金門裏招
招漾輕楫行行趣巖趾江海雖未從山林於此始

郡內登望

借問下車日匪直望舒圓寒城一以眺平楚正蒼然山積陵
陽阻溪流春穀泉威紓距遙甸巖巖帶遠天切切陰風暮桑
柘起寒煙悵望心已極悄悅魂屢遷結髮倦為旅平生早
事邊誰規鼎食盛寧要狐白鮮方棄汝南諾言稅遠東田

高齋視事

餘雪映青山寒霧開白日曖曖江村見離離海樹出披衣就
清盥憑軒方秉筆列俎歸單味連駕止容膝空為大國憂紛
詭諒非一安得掃
蓬徑銷吾愁與疾

郡內高齋閒坐荅呂法曹

結構何迢遞曠望極高深
窻中列遠岫庭際俯喬林
日出衆鳥散山暝孤猿吟
已有池上酌復此風中琴
君美無度孰爲勞寸心惠
而能好我問以瑤華音若
移金門步見就玉山岑

新治北窻和何從事

國小暇日多民淳紛務屏
關牖期清曠開簾候風景
泱泱日照溪團團雲去嶺
峩峩蘭撩峻駢闐石路整
池北樹如浮竹外山猶影
自來彌弦望及君臨箕穎
清文蔚且詠微言超已領
不見城壕側思君朝夕頃
回舟方在辰何以慰延頸

賦貧民田

假遇非將迎靖共延殊慶
中歲歷三臺旬月典邦政
會是共治情敢忘郵貧病
將無富教禮孰有知方性
敦本抑工商均業省兼并
察壤見泉脉覘星視農正
黍稷緣高碯穡稼即卑盛
舊埵新塍分青苗白水映
遙柳匝清陰連山周遠淨
即此風雲佳孤觴聊可命
既微三載道庠籍兩岐詠
俾爾倉廩實余從谷口鄭

寧國府志

卷二十四

藝文志 詩上

二

忝役湘州與宣城吏民別

弱齡倦簪履薄晚忝華輿
間沃盡地區山泉諧所好
幸遇昌化穆惇俗罕驚暴
四時從偃息三省無侵冒
下車遽喧席紆服始黔竈
榮辱未遑敷德禮何由導
汨徂奉南岳兼秩典邦號
疲馬方云驅鉛刀安可操
遣惠良寂寞恩靈亦匪報
桂水日悠悠結信幸相勞
吐納貽爾和窮通勗所蹈

遊敬亭山

茲山亘百里合沓與雲齊
隱淪既已託靈異居然樓
上千蔽白日下屬帶迴溪
交藤荒且蔓樛枝聳復低
獨鶴方朝唳鷓鴣此夜啼
渌雲已漫漫多雨亦淒淒
我行雖紆組兼得尋幽蹊
緣源殊未極歸徑窅如迷
要欲追奇趣卽此凌丹梯
皇恩竟已矣茲理庠無睽

將遊湘水尋句溪

既從陵陽釣挂鱗騷赤螭
方尋桂水原謁帝蒼山睡
辰哉且未會乘景美清漪
瑟汨瀉長淀潺湲赴兩岐
輕蘋上靡靡雜

石下離離寒草分
花映戲鮪乘空移
輿以暮秋月清霜
落素枝魚鳥余方
玩纓綉君自縻及
茲暢懷抱山川長
若斯

賽敬亭山廟喜雨

夕悵懷椒糈燭景
潔筭薌登秋雖未
獻望歲佇年祥潭
淵深可厲狎邪車
未方蒙龍度絕限
出沒見林堂秉玉
朝群帝樽桂迎東
皇排雲接虬蓋蔽
日下霓裳會舞紛
瑤席安歌繞鳳梁
百味芬綺帳四坐
沾羽觴福被延民
澤樂極思故鄉登
山騁歸望原雨晦
茫茫胡寧昧千里
解佩拂山莊

冬日晚郡事隙

案牘時間暇偶座
觀卉木颯颯滿池
荷翛翛蔭窗竹簷
隙自周流房櫳閒
且肅蒼翠望寒山
崢嶸瞰平陸已暢
暮歸心復傷千里
目風霜旦夕甚蕙
草無芬馥云誰美
笙簧孰是厭適軸
願言稅逸駕臨潭
餌秋菊

往敬亭路中聯句

山中芳杜緣江南
蓮葉紫芳年不共
遊淹留空若是
弱蔓既豐漣漪青
山多綉綺新條日
向抽落花紛已委
向是

寧國府志

卷二十四

藝文志 詩上

三

青翠輕莎方霏靡
鷲鷗沒而遊麇騰
復倚郎齊舉春岸
望沉沉清流見瀾
瀾幸藉人外遊盤
桓未能徙郎陳
把瓊芳隨山訪靈
詭榮楯每嶙峒林
堂多碕礪眺謝

祀敬亭山春雨聯句

水府衆靈出石室
寶圖開白雲帝鄉
下行雨巫山來眺謝
歌風讚靈德舞蹈
起輕埃高軒乍留
吹元羽或徘徊何事
從福降群仙下識
逸百神該青鳥飛
層隙赤鯉泳瀾隈郎齊舉

紀功曹中園聯句

蘭亭仰遠風芳林
接雲嶠傾葉順清
飈脩莖停高鶴何事
從連綿夕雲歸
暎日將落寸陰不
可留蘭墀豈停酌
郎丹櫻猶照樹綠
筠方解籜永志眺謝
能兩忘卽賞謝邱
壑

和謝宣城

沈約

王喬飛鳧鳥東方
金馬門從宦非宦
侶避世非避喧揆
余發皇鑒短翮屢
飛翻晨趨遊建禮
脫沐臥郊園賓至
下塵榻憂

來命綠樽昔賢侔時雨今守馥蘭蓀神交疲夢寐路遠隔思
存牽拙謬東汜浮情及西崐顧循良菲薄何以儷瓊璠將隨
渤澥去刷
羽汎清源

唐

送宇文太守赴宣城

王維

寥落雲山外迢遞舟中賞鏡吹發西江秋空多清響地迥古
城蕪月明寒潮廣時賽敬亭神復解罟師網何處寄相思南
風搖
五兩

送張五諶歸宣城

五湖千萬里况復五湖西漁浦南陵郭人家春穀溪欲歸江
渺渺未到草萋萋憶想蘭陵鎮可宜猿更啼

贈皇甫曾之宣州

劉長卿

莫恨扁舟去川途我更遙東西潮渺渺離別雨蕭蕭流水通
春谷青山過板橋天涯有來客遲爾訪漁樵

寧國府志

卷二十四

藝文志 詩上

四

送處士歸宣州因寄林山人

陵陽不可見獨往復如何舊邑雲山裏扁舟來去過鳥聲春
谷靜草色太湖多儻宿荆溪夜相思漁者歌

旅行泊宣州界

孟浩然

西塞沿江島南陵問驛樓潮平津渡濶風止客帆收去去懷
前浦茫茫泛夕流石逢羅剎礙山泊敬亭幽火熾梅根治烟
迷楊葉洲離家復
水宿相伴賴沙鷗

贈宣城宇文太守兼呈崔侍御

李白

白若白鷺鮮清如清唳蟬受氣有本性不爲外物遷飲水箕
山上食雪首陽顛迴車避朝歌掩口去盜泉崑崙廣成子個
儻魯仲連卓絕二公外丹心無間然昔攀六龍飛今作百鍊
鉛懷恩欲報主投佩向北燕彎弓綠絃開滿月不憚堅閒騎
駿馬獵一射兩虎穿回旋若流光轉背落雙鳶胡人三嘆息
兼知五兵權鎗鎗突雲將却掩我之妍多逢勦絕兒先著祖
生鞭據鞍空矍鑠壯志竟誰宣蹉跎復來歸憂恨坐相煎無
風難破浪失計長江邊危苦惜頹光金波忽三圓時遊敬享

上間聽松風眠或美宛溪月虛舟信洄沿顏公二十萬盡付
酒家錢興發每取之聊向醉中仙過此無一事靜談秋水篇
君從九卿來水國有豐年魚鹽滿市井布帛如雲烟下馬不
作威水壺照清川霜捐邑中叟皆美太守賢時慰風俗往
往出東田竹馬數小兒拜迎白鹿前舍笑問使君日晚可迴
旋遂歸池上酌掩抑清風絃曾標橫浮雲下撫謝眺肩樓高
碧海出樹古青蘿懸光祿紫霞杯伊昔忝相傳良圖掃沙漠
別夢繞旌旆富貴日成疏願言杳無緣登龍有直道倚玉限
芳筵敢獻繞朝策思同郭泰船何言一水淺似隔九重天崔
生何傲岸縱酒復談元身爲名公子英才苦迍鳴鳳托高
梧凌風何翩翩安知
慕群客彈劍拂秋蓮

宣城哭蔣徵君華

敬亭埋玉樹知是蔣徵君安得相如草空餘封禪文池臺空
有月詞賦舊菱雲獨挂延陵劍千秋在古墳

登敬亭北二小山余時客逢崔侍御并登此地

送客謝亭北逢君縱酒還屈盤戲白馬大笑上青山
迴鞭指長安西日落秦關帝鄉三十里杳在碧雲間

寧國府志

卷二十四

藝文志 詩上

五

贈宣州靈源寺仲濬公

敬亭白雲氣秀色連蒼梧下映雙溪水如天落鏡湖此中積
龍象獨許濬公殊風韻逸江左文章動海隅觀心同水月解
領得明珠今日逢
支遁高談出有無

宣城見杜鵑

蜀國曾聞子規鳥宣城還見杜鵑花一叫一回腸一斷三春
三月憶三巴

遊敬亭寄崔侍御

我家敬亭下輒繼謝公作相去數百年風期宛如北登高素
秋月下望青山郭俯視鴛鴦群飲啄自鳴躍夫子雖躡蹻
臺雪中鶴獨立窺浮雲其心在寥廓時來顧我笑一飲葵與
藿世路如秋風相逢盡蕭索腰間玉具劍意氣無遺諾壯士
不可輕相
期在雲閣

贈從弟宣城長史昭

淮南望江南千里碧山對我欲倦過之半落青天外宗英佐
雄郡水陸相控帶長川豁中流千里瀉吳會君心亦如此包
納無小大搖筆起風霜推誠結仁愛訟庭垂桃李賓館羅
蓋何意蒼梧雲飄然忽相會才將聖不偶命與時俱背獨立
山海間空老聖明代知音不易得挂
劍增感慨當結九萬期中途莫先退

九日登響山

淵明歸去來不與世相逐爲無杯中物遂偶本州牧因招白
衣人笑酌黃花菊我來不得意虛過重陽時題輿何駿發遂
結城南期築土接響山俯臨宛水湄胡人叫玉笛越女彈霜
絲自作英王胄斯樂不可窺赤鯉湧棹高白龜道馮夷羈仙
如彷彿奠酌遙相知古來登高人今復幾人在滄洲違宿諾
明月猶可待連山似驚波合否出溟海揚袂揮四座醅酌安
所知齊歌送清揚起舞亂參差賓隨落葉
散帽逐秋風吹別後登北臺願言長相思

青谿

青谿勝桐廬水木有佳色山貌日高古石容天傾側彩鳥昔
未明白猿初相識不見同懷人對之空嘆息

寧國府志

卷二十四

藝文志 詩上

六

清溪行

一作宣
州青溪

清溪清我心水色異諸水借問新安江見底何如此人行明
鏡中鳥度屏風裏向曉猩猩啼空悲遠遊子

自梁園至敬亭山見會公談陵陽山水兼期同遊因有此贈

我隨秋風來瑤草恐衰歇中途寡名山安得弄雲月渡江如
昨日黃葉向人飛敬亭愜素尚弭櫂流清輝水谷明且秀陵
巒抱江城粲粲吳與史衣冠耀天京水國饒英奇潛光臥幽
草會公眞名僧所在卽爲寶開堂振白拂高論橫青雲山
埽粉壁墨客多新文爲余話幽棲且述陵陽美天開白龍潭
月映清秋水黃山望石柱突兀誰開張黃鶴久不來子安在
蒼茫東南焉可窮山鳥飛絕處稠疊千萬峰相連入雲去聞
此期振策歸來空閉關相思如明月可望不可攀何當移白
足早晚麥蒼山且寄
一書札令子解愁顏

登敬亭南望懷古贈竇主簿

敬亭一回首目盡天南端仙者五六人嘗聞此遊盤溪流棹
高水石聳麻姑壇白龍降陵陽黃鶴呼子安羽化騎日月雲

行異鵬鸞下視宇宙間四溟皆波瀾決絕目下事從之復何
難百歲落半途前途路漫漫強食不成味清晨起長嘆願隨
子明去煉
火燒金丹

與南陵常贊府遊五松山

安石泛溟渤獨嘯長風還逸韻動海上高情出人間靈異可
并跡澹然與世閑我來五松下置酒窮躋攀徵古絕遺老因
名五松山五松何清幽勝境美沃州蕭颯鳴洞壑終年風雨
秋響八百泉去聽如三峽流剪竹掃天花且從傲吏遊龍堂
若可憇吾
欲歸精修

遊五松山贈南陵常贊府

爲草當作蘭爲木當作松蘭幽香風遠松寒不改容松蘭相
因依蕭艾徒丰茸雞與雞并食鸞與鸞同枝揀珠去砂礫那
有珠相隨遠客投名賢真堪寫懷抱若識方寸心待誰可傾
倒虞卿棄趙相便與魏齊行海上五百人同日死田橫當時
不好賢豈傳千古名願君同心人於我少畱情寂
寂還寂寂出門迷所適長鋏歸來兮秋風思歸客

寧國府志

卷二十四

藝文志 詩上

七

別韋少府

西出滄龍門南登白鹿原欲尋商山皓猶戀漢皇恩水國遠
行邁仙經深討論洗心向秋月清耳敬亭猿築室在人境閉
關無世喧多君枉高駕贈我以微言交乃意
氣合道因風雅存別離有相思瑤琴與金尊

遊水西簡鄭明府

天宮水西寺雲錦照東郭清湍鳴迴溪綠水繞飛閣涼風日
瀟酒幽谷時憇泊五月思貂裘謂言秋霜落石蘿引古蔓岸
笋開新籜吟翫空復情相思佳作鄭公詩
人秀逸韻宏寥廓何當一來遊愜我雪山諾

涇溪南藍山下有落星潭可以卜築余泊舟石上寄何判官

昌浩

藍岑竦天壁突兀如鯨額奔蹙橫澄潭勢吞落星石沙帶秋
月明水搖寒山碧佳景宜緩棹清輝能畱客恨君阻歡遊使
我自驚惕所期俱
卜築結茅鍊金液

早過漆林渡寄萬巨

西經大藍山南來漆林渡水色倒空青林烟橫積素漏流昔
吞翕沓浪競奔注潭落天上星龍開水中霧嶢峇注公柵突
兀陳焦墓嶺峭紛上下川明屢迴顧因思萬
夫子解渴同瓊樹何日覩清光相歡詠佳句

澁灘

澁灘鳴嘈嘈兩水走猿獠白波若捲雪側石不容舠舟人與
漁人撐折萬張篙

六刺灘

三門橫峻灘六刺走波瀾石驚虎伏起水狀龍縈盤何慙七
星灘使我欲垂竿

登天柱石望黃山

韓晨騎白鹿西征華山中玉女千餘人相隨在雲空見我傳
秘訣精神與天通何意到陵陽遊目送飛鴻天子昔避狄與
君亦乘驄擁兵五陵下長策遏胡戎時泰解繡衣脫身若飛
蓬鸞鳳翻羽翼啄粟坐樊籠海鶴一笑之思歸向遼東黃山
過石柱巘嶠上攢叢因巢翠玉樹忽見浮邱公又引王子喬
吹笙舞松風朗詠紫霞篇請開蕊珠宮步岡繞碧落倚樹招
青童何日可携
手遺形入無蹤

送温處士歸黃山

黃山四千仞三十二蓮峰丹崖夾石柱菡萏玉芙蓉伊昔升
絕頂俯窺天目松仙人種玉處羽毛留餘踪亦聞温伯雪獨
往今相逢採秀辭五嶽攀巒歷萬重歸休白鷺嶺渴飲丹砂
井鳳吹我來時雲車爾當整去去陵陽東行行芳徑叢迴溪
十六渡碧障盡晴空他
日還相訪乘橋躡彩虹

贈黃山胡公暉求白鵬

請以雙白璧買君雙白鵬白鵬如白雪白雪耻容顏照影玉
潭裡刷毛琪樹間夜棲寒月靜朝步落花閑我願得此鳥翫
之坐碧山胡公能
輒贈籠寄野人還

寄韋南陵冰

南舟正當風北船來自緩江上相逢借問君語笑未了風吹
斷聞君携奴訪情人應爲尙書不顧身堂上三千珠履客甕
中百解金陵春恨我阻此樂留楚江濱月色醉遠客山花
開欲然春風狂殺人一日劇三千乘興嫌太遲焚却子猷船
夢見五柳枝已堪挂馬鞭
何日到彭澤長歌陶令前

南陵別兒童入京

白酒初熟山中歸黃雞啄黍秋正肥呼童烹雞酌白酒兒女
嬉笑牽人衣高秋取醉欲自慰起舞落日爭光輝遊說萬乘
若不早着鞭跨馬涉遠道會稽愚婦輕買臣子亦
辭家西入秦仰天大笑出門去我輩豈是蓬蒿人

宣城謝朓樓餞別校書叔雲

棄我去者昨日之日不可留亂我心者今日之日多煩憂長
風萬里送秋雁對此可以酣高樓蓬萊文章建安骨中間小
謝又清發俱懷逸興壯思飛欲上青天攬日月抽刀斷水水
更流舉杯消愁愁更愁人生在世不稱意明朝散髮弄扁舟

別山僧

寧國府志

卷二十四

藝文志 詩上

九

何處名僧到水西乘舟弄月宿涇溪平明別我上山去手携
金策踏雲梯騰身轉覺三天近舉足回看萬嶺低謔浪肯居
支遁下風流還與遠公齊此度
別離何日見相思一夜暝猿啼

涇溪東亭寄鄭少府諤

我遊東亭不見君沙上行將白鷺羣白鷺閒時散飛去又如
雪點青山雲欲往涇溪不辭遠龍門蹙波虎眼轉杜鵑花開
春已闌歸向
陵陽釣魚晚

夜宿黃山聞殷十四吳吟

昨夜誰爲吳會吟風生萬壑振空林龍驚不敢水中臥猿嘯
時聞岩下音我宿黃山碧溪月聽之却罷松間槩朝來果是
滄洲逸酌酒提盤飯霜栗半酣
更發江海聲客愁頓向杯中失

秋登北樓

江城如畫裡山曉望晴空兩水夾明鏡雙橋落彩虹人烟寒
橘柚秋色老梧桐誰念北樓上臨風懷謝公

謝公亭

謝公離別處風景每生愁客散青天月山空碧水流池花春
映日窗竹夜鳴秋今古一相接長歌懷舊遊

過崔八丈水亭

高閣橫秀氣清幽并在君簷飛宛溪水窗落敬亭雲猿嘯風
中斷漁歌月裏聞閑隨白鷗去沙上自爲群

寄從弟長史昭

爾佐宣城郡守官清且閒常誇雲月好邀我敬亭山五落洞
庭葉三江遊未還相思不可見太息損朱顏

送宛句趙少府子卿

解巾行作吏尊酒謝離居修竹含清景華池淡碧虛地將幽
興愜情與舊遊疎林下紛相送多逢長者車

江上呈裴宣州

江上與天連風帆何森然遙林浪出沒孤舫鳥聯翩常愛千
鈞重深思萬事捐報恩非狗祿還逐賈人船

寧國府志

卷二十四

藝文志 詩上

十

題宛溪館

吾憐宛溪好百尺照心明可謝新安水千尋見底清白沙
月色綠竹助秋聲却笑嚴湍上於今獨擅名

宿五松山下荀媪家

我宿五松下寂寞無所懼田家秋作苦隣女夜春寒跪進雕
胡飯月光明素盤令人慚漂母三謝不能餐

寄宣城崔侍御

宛溪霜夜聽猿愁去國長爲不繫舟獨憐一雁飛南海却美
雙溪解北流高人屢下陳蕃榻過客難登謝朓樓此處別離

同落葉朝朝
分散敬亭秋

敬亭山獨坐

衆鳥高飛盡孤雲獨去閒相看兩不厭只有敬亭山
合沓孛數峯奔來鎮平楚中間最高頂彷彿接天語

哭善釀紀叟

紀叟黃泉下，還應釀老春。夜臺無李白，沾酒與何人。

鍊丹井

聞說神仙晉葛洪，鍊丹曾此占雲峯。庭前廢井今猶在，不見長松見短松。

桃花潭贈汪倫

李白乘舟將欲行，忽聞岸上踏歌聲。桃花潭水深千尺，不及汪倫送我情。

與謝良輔遊水西靈巖寺

乘君素舸泛涇西，宛似雲門對若溪。且從康樂尋山水，何必東遊入會稽。

遊靈巖寺

韋應物

始入松路永，獨欣山寺幽。不知臨絕檻，乃見西江流。吳岫分烟景，楚甸散林邱。方悟關塞渺，重軫故園愁。聞鐘戒歸騎，憇澗惜良遊。地疎泉谷狹，春深草木稠。茲焉賞未極，清景期杪秋。

寧國府志

卷二十四

藝文志 詩上

十一

宣城路錄事

江上宣城郡，孤舟遠到時。雲林謝家宅，山水敬亭祠。綱紀多問日，觀遊得賦詩。都門且盡醉，此別數年期。

晚入宣城界

錢起

斜日片帆陰，春風孤客心。山來指樵路，岸去惜花林。海氣蒸雲黑，潮聲隔雨深。鄉愁不可道，浦宿聽猿吟。

和宣城張太守南亭秋夕懷友

池館蟪蛄聲，梧桐秋露清。月臨朱戟靜，河近畫樓明。捲幔浮涼入，聞鐘永夜清。片雲懸曙斗，數雁過秋城。羽扇揚風暇，瑤琴悵別情。江山飛麗藻，謝朓讓前名。

送李侍御歸宣州使幕

韓翃

春草東江外，翩翩北路歸。官齊魏公子，身逐謝元暉。山色隨行騎，鶯聲傍客衣。主人池上酌，携手暮花飛。

東峯亭賦古壁苔

劉太真

苒苒溫寒泉綿綿古危壁光含孤翠色色與暮雲寂深淺松
月間遊人自登歷

東峯亭賦垂澗藤

袁 儻

寒澗流不息古藤終日垂迎風仍未定拂水更相宜新花與
舊葉惟有幽人知

喜陸侍御破石埭草寇東峰亭賦詩

古寺東峯上登臨興有餘同觀白簡使新報赤囊書幾處間
烽埃千方慶里閭欣欣夏木長寂寂晚煙徐戰罷言歸馬師
還賦出車因知越
范蠡湖海意何如

東峰亭賦棲煙鳥

李 岑

從來養毛羽昔日曾飛遷變轉對朝陽差池棲夕烟遇此枝
葉覆鳳舉異冲天

東峰亭賦寒溪草

蘇 寓

羃歷溪邊草遊人不厭看餘芳幽處老深色望中寒幸得陪
清興青青賞未闌

寧國府志

卷二十四

藝文志 詩上

十一

東峰亭賦陰崖竹

袁 邕

終歲寒苔色寂寥幽思深朝歌猶夕嵐日永留清陰龍鍾負
煙雪自有凌雲心

東峰亭賦嶺上雲

佇立增遠意中峰見孤雲溶溶傍危石片片宜夕曛漸向群
木盡殘飛更氤氳

東峰亭賦幽徑石

王 緯

片石東溪上陰崖剩阻修雨餘青石靄歲晚綠苔幽從來不
可轉今日爲人留

東峰亭賦臨軒桂

郭 澹

青青芳桂樹幽陰在庭軒向日陰還合從風葉乍翻共看霜
雪後終不變涼暄

東峰亭賦林中翠

高 儻

杳靄無定狀霏微常滿林清風光不散過雨色偏深幽意賞
難盡終朝再招尋

宣城逢張二南史

耿 滄

全家宛陵客，文雅世難逢。寄食年将老，干時計未從。秋來句曲水，雨後敬亭峰。西北長安遠，登臨恨幾重。

詠宣州筆

寒竹慚虛受，纖毫任幾重。影端緣守直，心勁懶藏鋒。落紙驚風起，搖空見露濃。丹青與文事，捨此欲何從。

送宋校書赴宣州幕

盧 綸

南想宣城郡，江清野戍閒。艤幢高映浦，睥睨曲隨山。名寄圖書內，威生將吏間。行春板橋暮，應伴庾公還。

送崔琦赴宣州幕

五馬臨流待幕賓，羨君談笑出風塵。身閑就養寧辭遠，世難移家莫厭貧。天際曉山三峽路，津頭臘市九江人。何處遙知最惆悵，滿湖青草雁聲春。

青草雁聲春

送夏中丞赴寧國任

李 端

寧國府志

卷二十四

藝文志 詩上

十三

楚縣入青楓，長江一派通。板橋尋謝客，古邑事陶公。片雨收山外，連雲上漢東。陸機猶滯洛，念子望南鴻。

送周長史

青楓樹裏宣城郡，獨佐諸侯上板橋。江客亦能傳好信，山僧多解說南朝。雲陰出浦看帆小，草色連天見雁遙。別有空園落桃李，杏知將

絲組繫蘭橈

宣城雪後遠望郡中寄孟侍御

張南史

臘後年華變，關西驛路遙。塞鴻連暮雪，江柳動寒條。山水還鄣郡，圖書入漢朝。高樓非別處，故使百憂消。

送張周二秀才謁薛宣城

權德輿

儒衣兩少年，春棹穀溪船。湖月供詩興，嵐嵐費酒錢。上帆投極浦，欹枕傲晴天。不用愁羈旅，宣城太守賢。

和宣城沈大夫登北樓書懷

令狐楚

兵符嚴重辭金馬，星座光芒射斗牛。筆落青山飄古韻，帳開紅旆照高秋。香連日影浮綃幕，溪逐笙聲遶畫樓。可惜登臨

佳麗地羽儀
須去鳳池遊

示爽時之宣城

韓愈

宣城去京國里數逾三千念汝欲別我解裝具盤筵日昏不能散起坐相引索冬夜豈不長達旦燈燭然座中悉親故誰肯舍汝眠念汝將一身西來曾幾年名科掩衆俊州考居吏前今從府公召府公又時賢時輩千百人誰不謂汝妍汝來江南近里閭故依然昔日同戲兒看汝立路邊人生但如此其實亦可憐吾老世味薄因循致畱連強顏班行內何適非罪愆才短難自力懼終莫洗湔臨分不汝誑有路即歸田

酬宣州崔大夫見寄

劉禹錫

白衣曾拜漢尚書今日恩光到敝廬再入龍樓稱綺季應緣狗監說相如中郎南鎮權方重內史高齋興有餘遙想敬亭春欲暮百花飛盡柳花初

送元上人歸稽亭

張籍

重疊稽亭路山僧歸獨行遠峰斜日影本寺舊鐘聲徒侶問新事煙雲愴別情應誇乞食處踏遍鳳凰城

寧國府志

卷二十四

藝文志 詩上

十四

麻姑山

曾遊仙蹟見豐碑除却麻姑更有誰雲蓋青山龍臥處日臨丹洞鶴歸時霜凝上界花開晚月冷中天果熟遲人到便須拋世事稻田還儼種靈芝

歷陽書事七十韻

并引

長慶四年八月余自夔州轉歷陽浮岷山觀洞庭歷夏口涉潯陽而東友人崔敦詩罷丞相鎮宛陵緘書來招曰必我覲而之藩不十日飲不置子故余自池州道宛陵如其素敦詩出祖於敬亭祠下由姑孰西渡江乃吾園也至則考圖經參見事爲之詩俟采風之夜諷者

一夕爲湖地，千年列郡名。霸王迷路處，亞父所封城。漢置東南尉，梁分肘腋兵。本吳風俗剽，兼楚語音傖。滂井今無湧，烏江舊有名。土臺遊柱史，石室隱彭靈。曹操祠猶在，濡須塢未平。海潮隨月大，江水應春生。憶昨深山里，湘水清朝看。火耕樹已失，來北闕。鷓首下南荆，雲雨巫山城。粉堞明雁飛，彭蠡暮鴉噪。大鄂渚草來迎，廬阜香爐出。溢城粉堞明，雁飛彭蠡暮。鴉噪大雷晴，平野分風使。恬和趁夜程，貴池登陸峻。春穀渡橋塢，駱驛主人問悲歡。故舊情幾年，方一面。小畫便三更，助喜杯盤盛。忘機笑語旬，管清疑警鶴。絃巧似嬌鶯，熾炭烘蹲獸。華茵織鬪鯨，回裾飄雨霧。急節墮瓊瑛，斂黛凝愁色。施鈿耀翠晶，容華本南國。妝束學西京，日落方收鼓。天寒更炙笙，促筵交履舄。痛飲倒簪纓，浪容孟嬌憐。許智瓊蔽明，添翠帟命燭。拄金莖，坐久羅衣皺。杯頻粉面驕，興來從請曲。意墮卽飛觥，令急重須改。歡馮醉盡呈，詰朝還選勝。來日又尋盟，道別殷勤惜。邀筵次第爭，唯聞嗟短景。不復有餘醒，衆散厨五相携。話素誠，晤言猶置。殘漏自丁出，祖千夫擁行厨。五熟烹離亭，臨野水別思入哀箏。接境人情洽，方冬饌具中流。爲界道，隔岸數飛甍。沙浦王渾鎮，滄洲謝朓城。望夫人化石，夢帝日環營。半渡趨津吏，緣堤簇郡氓。傾底寫，秬收籬成見。冬菁里社爭來獻，壺漿各自擎。鴟夷傾底寫，秬收籬成

寧國府志

卷二十四

藝文志 詩上

十五

采石風傳柝，新林暮擊鉦。繭綸牽撥刺，犀釵照澄泓。露冕觀原野，前驅抗旆旌。旌分庭展，賓主望闕拜。恩榮比屋，慇懃發輦連。年水旱并，遐思常後已。下令必先庚，遠岫低屏列。支流曲帶縈，湖魚香勝肉。官酒重於錫，憶昔源泉變。斯須地軸傾，雞籠爲石顆。龜眼入泥坑，事繫人風重。官從物論輕，江春俄淡蕩。樓月幾虧盈，柳長千絲宛。田塍一線絳，游魚將婢從。野雉見媒驚，波淨攢鳧鵲。洲香發杜蘅，一鍾菰葑米。千里水葵羹。受譴時方久，分憂政未成。比瓊雖碌碌，於鐵尙錚錚。早忝登三署，曾聞奏六英。無能甘負弩，不慎在提衡。口語成中邁，毛衣阻上征。時聞關利鈍，智亦有聾盲。昔愧山東妙，今慙海內兄。後來登甲乙，早已在蓬瀛。心托秦明鏡，才非楚白珩。齒衰親藥物，官薄傲公卿。捧日皆元老，宣風盡大彭。好令朝集使，結新束赴正。

送稽亭山僧

張籍

師住稽亭高處寺，斜廊曲閣倚雲開。山門十里松間入，泉澗三重洞裏來。名岳尋遊今已徧，家城禮謁便應迴。舊房到日閒吟後，林下選登說法臺。

紫毫筆歌

白居易

紫毫筆尖如錐兮利如刀
江南石上有老兔喫竹飲泉生紫毫
宣州之人採為筆千萬毛中揀一毫
毫雖輕功甚重管勒工名歲充貢君兮
臣今勿輕用將何如願賜在白玉除
御史願頌左右臺起居勗管趨入黃
金闕抽毫立在白玉除臣有姦邪正
衙奏君有動言直筆書起居郎侍御
史爾知紫毫不易致每歲宣城進筆
時紫毫之價如金貴慎勿空將彈失
儀慎勿空將錄制詞

紅線毯

紅線毯擇繭綠絲清水煮揀絲揀線
紅藍染染為紅線紅于藍織作披香
殿上毯披香殿廣十丈餘紅線織成
可殿鋪綵絲茸茸香拂拂線軟花虛
不勝物美人踏上歌舞來羅韞緣鞋
隨步沒太原毯澁毳縷硬蜀都褥薄
錦花冷不如此毯温且柔年年十月
來宣州宣城太守加樣織自謂為臣
能竭力百夫同擔進宮中線厚絲多
卷不得宣城太守知不知一丈毯千
兩絲地不知寒人要暖少奪人衣作
地衣

寧國府志

卷二十四

藝文志 詩上

十六

宣州崔大夫閣老忽以近詩數十首見示吟諷之下竊有所

喜因成長句寄題郡齋

謝元暉歿吟聲寢郡閣寥寥筆硯閑
無復新詩題壁上虛教遠岫列牕間
忽驚歌雪今朝至必恐文星昨夜還
再喜宣城章句動飛觴遙賀敬亭山

窗中列遠岫

見本集宣州試射中正鵠賦後

天靜秋山好窗開曉翠通遙憐峯窈
窕不隔竹朦朧萬點當虛室千重疊
遠峰列檐攢秀氣緣隙助清風碧愛
新晴後明宜反照中宣城郡齋在望
與古時同

南湖早春

風迴雲斷雨初晴返照湖邊暖復明
亂點碎紅山杏發平鋪新綠水蘋生
翅低白雁飛仍重舌澀黃鸝語未成
不道江南春不好年年衰病減心情

南湖晚秋

八月白露降湖中水芳老旦夕秋風多衰荷半傾倒手攀青
楓樹足踏黃蘆草慘淡老容顏零落秋懷抱有兄在淮楚有
弟在蜀道萬里何時來煙波白浩浩

白雲寺

沈傅師

僧愛白雲溪上飛白雲深處敞禪扉莫言便是無心物思着
故山依舊歸

人日陪范中丞傅正與范侍御傅真宴東峰亭

鮑溶

人日春風綻早梅謝家兄弟看花來吳姬對舞歌千曲秦女
畱人酒百杯絲柳向空初宛轉玉山看日漸徘徊流光易去
歡難得莫厭頻頻上此臺

宣城北樓昔從順陽公會於此

寧國府志

卷二十四

藝文志 詩上

十七

詩樓郡城北窗牖敬亭山幾步塵埃隔終朝世界閒憑師看
粉壁名姓在其間

東高峯

東亭最高峙春樹繞山腰畫裏青鸞客雲中碧玉簫秋風若
西望爲我一長謠

望麻姑山

幽人往往懷麻姑浮世悠悠仙景殊自從青鳥不堪使更得
蓬萊消息無

隱靜寺

張祐

松徑上登攀深行烟靄間合流廚下水對聳殿前山澗碧鳥
聲迴泉清僧步閒更憐飛一錫天外與雲還

陪范宣城北樓夜宴

華軒敞碧流官妓擁諸侯粉頂高叢檀妝慢裹頭亞身催
蠟燭斜眼送香毬何處偏堪恨千迴下客籌

題宣州開元寺

杜牧

南朝謝朓城東吳最深處亡國去如鴻遺寺藏烟塢樓飛九
十尺廊環四百柱高高下下中風繞松桂樹青苔照朱閣飛白
鳥兩相語溪聲入僧夢月色暉粉堵閱景無
旦夕憑闌有今古畱我酒一罇前山看春雨

自宣州赴官入京路逢裴坦判官歸宣州因題贈

敬亭山下百頃竹中有詩人小謝城高跨樓滿金碧下聽
一溪寒水聲梅花落徑香繚繞雪白玉璫花下行縈風酒旆
挂朱閣半醉遊人聞羌笛我初到此未三十頭腦彭利筋骨
輕畫堂檀板秋拍碎一引有時聯十觥老閒腰下丈二組塵
土高懸千載名重遊鬚白事皆改唯見東流春水平對酒不
敢起逢君還眼明雲壘看人捧波臉任他橫一醉六十日古
來聞阮生是非離別際始見醉中情今日送君話前事
高歌引劍還一傾江湖酒伴如相問終老烟波不計程

開元水閣

六朝文物草連空天淡雲間今古同鳥去鳥來山色裡人歌
人哭水聲中深秋簾幔千家雨落日樓臺一笛風惆悵無因
見范蠡參差
烟樹五湖東

寧國府志

卷二十四

藝文志 詩上

十八

宣城送裴坦判官

日暖泥融雪半消人行芳草馬聲驕九華山路雲遮岫青弋
江村柳拂橋君意如虹高的我心懸旆正搖搖同來不得
同歸去故國
逢春正寂寥

自宣城赴官上京

瀟洒江湖十過秋酒杯無日不淹畱謝公城外溪驚夢蘇小
門前柳拂頭千里雲山何處好幾人襟韻一生休塵冠却挂
知閒事終擬
蹉跎訪舊遊

題宣州

土控吳兼越州連歙與池山河地襟帶軍鎮國藩維

水西題粲公樓

三日去還去一生焉再遊含
溪水重上粲公樓

開元寺

松寺曾同一鶴樓夜深臺殿月高低何人爲倚東樓柱正是
前山雪漲溪

題元處士高亭

水接西江天外聲小齋松影拂雲平何人教我吹長笛興倚
春風弄月明

遊水西寺

李白題詩水西寺古木迴巖樓閣風半醒半醉遊三日紅白
花開煙雨中

譚子池

郭周藩

澄水一百步世名譚子池余詰陵陽叟此地當因誰父老爲
余說本郡譚叔皮開元未年中生子字阿宜墜地便能語九
歲多鬚眉不飲亦不食未嘗言渴饑十五銳行走快馬不能
追二十八山林一去無還期父母憶深鄉閭爲立祠大厯
元年春此兒忽來歸頭冠簪鳳凰身著霞裳衣普遍拯疲俗
丁寧告親知余爲神仙官下界不可祈恐爲妖魅假不如早

寧國府志

卷二十四

藝文志 詩上

十九

平夷此有黃金藏鎮在茲廟基發掘散生聚可以救貧羸金
出繼靈泉湛若清琉璃泓澄表符瑞水旱無竭時言訖辭冲
虛杳靄上元微凡情畱不得攀望衆號悲尋稟神仙戒徹廟
刷開窺果獲無窮寶均融沾困危巨源出嶺頂噴湧世間稀
異境流千古
終年福四維

南陵畱別段氏兄弟

許渾

不知身老大猶似舊時狂爲酒畱山縣題詩徧草堂歸期秋
未盡離恨日偏長更羨君兄弟參差雁一行

題元處士幽居

潺湲遶門水未省濯纓塵鳥散千岩曙蜂來一徑春杉松還
待客芝朮不求人寧學磻溪叟逢時罷隱淪

元處士自洛歸宛陵山居因贈

紫霄峰下絕韋編舊隱相如結鞵前月落尚畱東閣醉風高
還憶北窗眠江城夜別蕭蕭雨山檻晴歸漠漠烟一頃豆花
三頃竹相應
拋却釣魚舡

陪宣城大夫崔公泛後池兼北樓讌二首

陪泛芳池醉北樓
水花繁艷照膺舟
亭臺陰合樹初晝
弦管韻高山欲秋
皆賀瓠岩終選傳
自傷燕谷未逢鄒
昔時恩遇今能否
一尉滄洲已白頭
江上西來共鳥飛
剪荷浮泛似輕肥
王珣作簿公曾喜
劉表為邦客盡依
雲外軒窗通早景
風前簫鼓送殘暉
宛陵行樂金陵住
遙對家山未憶歸

白雲寺

一片白雲千丈峰
殿堂樓閣架虛空
山僧不語捲簾坐
遙看世間如夢中

宛陵寓居上沈大夫二首

趙嘏

滿耳謠歌滿眼山
宛陵城郭翠微間
人情已覺春常在
溪戶仍將水共閒
曉色人樓紅靄靄
夜聲尋砌碧潺潺
幽雲高鳥俱無事
晚伴西風醉客還

寧國府志

卷二十四

藝文志 詩上

二十

溪樹參差綠可攀
謝家雲水滿東山
能忘天上他年貴
來結林中一日閒
醉叩玉盤歌裊裊
暖鳴幽澗鳥關關
觥籌不盡須歸去
路在春風縹緲間

宛陵館冬青樹

碧樹如烟覆晚波
清秋欲盡客重過
故園亦有如烟樹
鴻雁不來風雨多

贈宣州亢拾遺

項斯

傳騎一何催
山門晝未開
高人終避世
聖主不遺才
坐次欵臨水
閒中獨舉杯
誰為旦夕侶
深寺數僧來

湯泉

賈島

維泉肇何代
開鑿同二儀
五行分水火
厥用誰一之
霞掀祝融井
日暖扶桑池
氣殊巖石厲
脉有靈砂滋
驪山豈不好
玉環汚流脂
至今華清樹
空遺後人悲
遐哉哲人逝
此水真吾師
一濯三沐髮
六鑿還希夷
伐毛返骨髓
髮白令人黟
十年走塵土
負我汗漫期
再來池上遊
觴熱三伏時
古寺僧寂寞
但餘壁上詩
不見題詩人
令我長嘆咨

送友人之南陵

莫嘆徒勞向宦途，不羣氣岸有誰如。
南陵暫掌仇香印，北闕終行賈誼書。
好趁江山尋勝境，莫辭韋杜別幽居。
少年躍馬同心使，免得詩中道跨驢。

敬亭祠

劉滄

森森古木列岩隈，迥壓寒原霽色開。
雲雨只從山上起，風雷多在廟中來。
三江入海聲長在，雙鶴啼天影未迴。
花落空庭春晝晚，石床松殿滿青苔。

麻姑山

麻姑此地煉神丹，寂寞烟霞古竈殘。
一自仙娥歸碧落，幾年春雨洗紅蘭。
帆飛震澤秋江遠，雨過陵陽晚樹寒。
山嶺白雲十萬片，時聞鸞鶴下仙壇。

送李侍御歸宣州

許棠

寧國府志

卷二十四

藝文志 詩上

二十一

吟詩早得名，戴豸又加榮。
下國閒歸去，他人少此情。
雲移寒嶠出，燒夾夜江明。
重引池塘思，還登謝朓城。

送王侍御赴宣城

戴豸却驅雞，東南上句溪。
路過金谷口，帆轉石城西。
水樹連天暗，山禽繞郡啼。
江人諳舊化，那復俟招攜。

送李頻之南陵主簿

赴縣是還鄉，途程豈覺長。
聽鶯離灞岸，邊槳入陵陽。
野蕨生公署，閑雲拂印床。
晴天調膳外，垂釣有池塘。

白龜城

左匡政

城堞千尋險，池隍十里餘。
樓臺侵漢宇，鼓角動郊墟。
熊虎三軍擁，壺漿萬戶舒。
急須脩表進，天意欲何如。

懷宛陵舊遊

陸龜蒙

陵陽佳勝昔年遊，謝朓青山李白樓。
惟有日斜溪上思，酒旗風影落春流。

送夏侯審赴寧國

司空圖

青沂連白浪，曉日渡南津。
山疊陵陽地，舟多建業人。
烟霞高古寺，楓竹暗傷神。
如接元暉集，江城獨見親。

送許棠還涇邑

張喬

離鄉積歲年，歸路遠悠然。
夜火山頭市，春江樹杪船。
干戈愁鬢改，瘴癘喜家全。
何處營甘旨，湖濤浸沒田。

送許棠及第歸宣州

雅調一生吟，誰爲晚達心。
旁人賀及第，獨自却沾襟。
宴別喧天樂，家歸礙日岑。
青門許攀送，故里接雲林。

送南陵尉李頻

重作東南尉，生涯尚似僧。
客程淮館月，鄉思海船燈。
晚霧看春穀，晴天見朗陵。
不應三考足，先授詔書徵。

送友人歸

落花兼柳絮，無處不紛紛。
遠道空歸去，流鶯獨自聞。
野橋喧碓水，山郭入樓雲。
故里南陵曲，秋期更送君。

隱靜寺閣

誰家煙逕長，莓苔金碧虛。
闌竹上開流，水遠分山色。
斷猿時帶角，聲來六朝明。
月惟詩在三，楚空江有雁。
迴達理殆應，少惆悵僧閒。
因得話天台。

寄宣州竇常侍

羅隱

往年西謁謝元暉，尊酒畱歡醉始歸。
曲檻柳濃鶯未老，一園花暖蝶初飛。
噴香瑞獸金三尺，舞雪佳人玉一圍。
今日亂離尋不得，滿簑風雨釣魚磯。

送梅處士歸寧國

十五年前卽別君，別時天下未紛紜。
亂離且喜身常在，存沒那堪耳更聞。
良會謾勞悲曩跡，舊交誰去弔荒墳。
殷勤爲謝逃名客，想望千秋嶺上雲。

登宛陵條風樓寄竇常侍

亂罹時節懶登臨，試借條風半日吟。
只有遠山含煖律，不知高閣動歸心。
溪喧晚棹干聲浪，雲護寒郊數丈陰。
自笑疎慵

似麋鹿也教
臺上費黃金

涇溪吟

涇溪石險人兢懼終歲不聞傾覆人却是平流無石處時時
聞說有沉淪

題石門

靈岩一竅何年鑿混沌初開有此門採藥仙人何處去山中
不改舊乾坤

送許棠之官涇邑

鄭谷

白頭新作尉縣在故山虫向第能卑宦前賢尚此風蕪湖春
蕩漾梅雨晝溟濛佐理人安後篇章莫廢功

麻溪

杜荀鶴

麻溪清徹底似入武陵溪兩岸山相向三春鳥亂啼酒旗和
柳動僧塔與雲齊此是歸期路歸期路勿迷

亂後宿南陵廢寺寄沈明府

寧國府志

卷二十四

藝文志 詩上

二十三

祇共寒燈坐到明塞鴻衝雪一聲聲亂時爲客無人識廢寺
吟詩有鬼驚且把酒杯添志氣已將身事託公卿男兒仗劍
酬恩在未肯
徒然過一生

題宛陵北樓

鄭準

雨來風靜綠蕪鮮凭着朱闌思浩然人語獨耕燒後嶺鳥飛
斜沒望中煙松梢半露藏雲寺灘勢橫流出浦船若遣謝宣
城不死必應
吟盡夕陽川

登水西清居臺

魏巒

迤邐清居臺連延白雲外側聆天上語下視飛鳥背

峴山送崔子向之宣州謁裴使君

釋皎然

楚思人詩清晨登峴山情秋天水西寺古木宛陵城棊匣應
將往書車亦共行吾知江太守一顧重君名

送僧遊宣州

楚山千里一僧行
念切初緣道未成
莫向舒姑泉口泊
此中嗚咽爲傷情

冬日梅溪送裴方舟之宣州

平明匹馬上邗橋
北發梅溪雪未消
日短天寒愁送客
楚山無限路遙遙

隱靜寺

僧清塞

一宿五松杯渡寺
虛廊中夜磬聲分
疎林未露上方月
幽澗忽生平地雲
高鳥背泉栖靜境
遠人當燭想遺文
暫來此地歇勞足
望斷故園滄海濱

宛陵送李明府歸江州

李鵬

菊花村晚雁來天
共把離觴向水邊
官滿便尋垂釣侶
家貧已用賣棊錢
浪生湓浦千層雪
雲起廬峯一縷煙
倘見吾鄉舊知己
爲言憔悴過年年

開元寺閣

薛能

寧國府志

卷二十四

藝文志 詩上

二十四

一閣見一郡亂流仍亂山
未能終日住尤愛暫時閒
唱棹吳門去啼林杜宇還
高僧不可羨西景掩柴關

送人之宣城

潘佐

江畔送行人千山生暮氛
謝安團扇上爲畫敬亭雲

風光閣

王禹

水東城閣水西山無限
風光咫尺間沙鳥慣驚春
浪惡野僧長伴暮雲閒
柳堤客艇時爭聚竹逕禪
扉夜不關令尹邇來公事
少坐看漁父扣舷還

遊棊溪

武甄

環潭澄曉色疊嶂照秋影
幽致忻忻逢紛慮自茲屏

遊棊溪

邢巨和

靈溪非人迹仙意素所秉
峻嶺森翠微澄潭照秋影

三十六峯

釋島雲

峯峯寒列碧
芙蓉靜想嵩
陽秀不如峭
削僅傳三十六
參差
何啻一千餘
泥封處處畱
丹井石匣層
層隱玉書終
待登臨
最高頂便隨
鸞鶴五雲車

五代

送鄧王二十弟牧宣城

李煜

後南唐主

且維輕舸更遲遲
別酒重傾惜解攜
浩浪侵愁光蕩漾
亂山疑恨色高低
君馳檣楫情何極
我倚闌干日向西
咫尺烟江幾多地
不須懷抱重妻其

贈旌德呂明府

黃滔

渥洼步數太阿姿
爭遣王侯不奉知
花作城池入官處
錦隨刀尺少年時
兩衙斷獄兼畱客
三考論功合樹碑
須信隔簾看刺史
錦章朱紱已葳蕤

寧國府志

卷二十四

藝文志 詩上

二十五

夏日即事

呂從慶

結伴居山寺
超然見白雲
境閒堪問道
客雅好論文
坐石惟看奕
行田或課耘
夜來塵俗語
不向夢中聞

春日書懷

豐溪村內野人居
隱約南山對敝廬
花下小橋春策蹇
竹中深徑夜歸漁
無名正可驕王謝
有句還能繼庾徐
醉罷濁醪鄰客散
一番清夢又蘼蘼

築居

梅遠

昔居苕之南
今適宛之北
溪山故繚繞
往來等鄉國
愛此大古風
不但占林樾
嵐氣敬亭浮
波光響潭接
雖在城市傍
而與喧囂隔
息心謝紛煩
投閒遣一切
結構類茅茨
寧復事雕飾
草堂亦易成
經營豈木石
喜見野人來
漸與塵跡絕
把我盈尊酒
妻兒同一啜

遷居

百里猶鄉土千年亦比隣願言培世德未敢咏維新

宋

送凌侍郎還知宣州

晏殊

日南藩郡古宣城碧落神仙擁使旌津吏戒舟東下穩縣僚
負弩晝歸榮江山謝守高吟地風月朱公故里情曾預漢庭
三獨坐府中誰敢伴飛觥

疊嶂樓

梅詢

謝公城上謝公樓百尺闌干挂斗牛碧瓦萬家烟樹密蒼崖
一檻瀑泉流波光灩灩前溪滿剝影亭亭古寺幽此地近除
新太守綠窗明月爲君畱

鍊丹井

仙人道未泯棲神在巖石酌彼山下泉窮年鍊丹液洞陰春
始綠苔鬢秋溼碧緬邈不可攀凭闌望鳧舄

寧國府志

卷二十四

藝文志 詩上

二十六

陵陽山

葉清臣

青風抱幽林丹雲藹奇石巖泉夜逾響芳杜秋仍碧別鵠悲
喬松游龍返真宅依稀城郭是緬邈仙風隔

安吳渡

搔首倦塵役前途隔大溪急流船上下亂石路高低灘瀉迎
風下猿獠擇樹棲戴星行亦好惟恐雨淒淒

送左彥武歸鄉

魏杞

折桂歸來日西風萬里秋錦衣天上客紅葉渡頭舟把酒難
爲別題詩更欲畱明朝山水隔何日是重遊

賽昭亭祠喜雨

梅堯臣

未生潭上雲空望山中雨湛湛陳桂樽坎坎奏鼉鼓蕭蕭靈
風來蹲蹲祝郎舞莫言春作遲但念寒灘阻何當發泉源綠
水浸沙渚不與農者期自將舟人語定作榜歌行暮投丹湖
浦瞻祠草樹失認嶺烟霞吐半吞東南吳遠帶西北楚川澤
見坡陀龍蛇蹙鱗膺人經興寤嘆事往成前古考碑何驗今
塗馬立空廡余知骨相貧豈敢忘冥許願乘溪流深滂瀟隨

徂 徹

環波亭

胃暑駐輪轂徘徊北濠上棟宇起中央芙蓉生四向今吾太守樂慰此郡人望雨從昭亭來水入句溪漲蜻蜒立闌干朱鯉吹荷浪岸木影下布水鳥時引吭心靜不競物興適每傾釀薄暮詠醉歸陪車知幾兩

陪太守學士登疊嶂樓

高陵自可眺況復更層樓峩峩衆山翠活活寒溪流新篁未掃籜綠陰已脩脩曲道出林杪飛字跨城頭春餘衆芳歇子結纍蔓抽庭空野鼠竄日冥啼禽畱誰知郡府趣顧有林壑幽伊我去閭井爾來三十秋昔望白雲下今從輕軒游

次韻侯宣城疊嶂樓雙溪閣

作官如負擔一負當且弛不知息肩處妄問道遠邇我乘章江流却入宛溪水捨身陟崔嵬竹路極句已名都便欲過佳處賴公指仰攀疊嶂高俯閱雙溪美不悞身乘空但覺風吹耳雲烟變遙壑歌吹聞近市倦游得清曠行役有斯喜公言公鵠鷺脩憐我鳧鴨庠異邦逢故人寧復固辭理高談雲漢上爛醉笙歌裏落日盡公歡推挽未應起

和吳季野遊山門寺望文脊山

楚客好山水五月上高峯峯頂望文脊草樹皆有容身既近猿鳥心欲追喬松石壁出雲背苔磴千里重下視霹靂飛忽起枯株龍却還僧居宿暮踐樵子蹤作詩留粉牆削藁爲我封美璞世未識獨令和氏逢

答宣城張主簿遺鴉山茶次其韻

昔觀唐人詩茶詠鴉山嘉鴉啣茶子生遂同山名鴉重以初槍旗采之穿烟霞江南雖盛產處處無此茶纖嫩如雀舌煎烹比露芽競收青筠焙不重漉酒紗顧渚亦頗近蒙頂來以遐雙井鷹掇爪建溪春剝葩日鑄弄香美天目猶稻蔴吳人與越人各各相關夸傳買金帛愛貪無夷華甘苦不一致精麤還有差至珍非貴多爲贈勿言些如何煩縣僚忽遺及

我家雪貯雙砂鬢詩琢無玉瑕文字搜怪奇難於抱長蛇明珠滿紙上剩畜不爲奢玩久手生胝窺久眼生花嘗聞茗消肉應亦可破瘕飲啜氣覺清賞重歎復嗟歎既不足吟誦又豈加我今實強爲君莫笑我耶

九月十一日下昭亭舟中

平生山野性坐臥愛流水適從昭亭來興自明河起小舟泛輕槎身入星辰裏飲牛誰家郎照鬢誰家子隔岸心相望翻然洲鵲喜灘頭磷磷石飲贈畏捐毀畱取自支機成都無卜士

雪中廖宣城寄酒

輕舟泛泛昭亭灣春雪漫漫昭亭山寒沙曲渚杳不辦素鷗翔鷺空中還宣城太守閔窮旅雙壺貯醞兵吏頒任從六花壅船戶滿酌春色生衰顏醒時但愛雲水好醉後等與天地閒世間醉樂各有分何必舞高髻髮

玉山寺沃洲亭

前溪夾洲後溪濶風吹細浪龍鱗活孤亭一入野氣深松上藤蘿籬上葛葛花葛蔓無斷時文蘿莫剪連古枝當年吾叔

寧國府志

卷二十四

藝文志 詩上

二十八

讀書處
夜夜
濕螢來復去

和張簿遊山門

青山中穴爲大門下通軌輒高莫論飛雲出納不計限雙峙平削無刀痕入門復見田圍美田外峯巒迴抱尊樓靈畜牲不可詰夔魍往往來守閣

送宣州簽判馬屯田兼寄知州邵司勳

寒溪拖翠碧玉帶蒼山踏臥蛻骨龍水邊苦竹抽肥筍石上老蕨拳紫茸泊船繫纜宿明鏡昭亭廟古攢瘦松陰風雨電潭心起雲遮北嶺如墨濃田秧浸綠白鷺立內史出喜嘉賓從昔時謝公來賽神蘭肴作椒金作鍾聯詩姓何名已失板蠹粉落蟲鳥蹤我鄉復傳召南化磨鏤黑石君亦逢

十一月十二日賽昭亭神

冷雨凝雪未成雪潭空魚寒歸石穴長篙叩穴倩鯉魚寄信山頭來奠設魚傳水鳥飛上山山大槎槎乾吹咽旋灰起角

巫鼓鳴溱俎銅盤顛牲血琵琶嘈嘈神降言福汝祐汝無灾
孽西向啐飲東向迴溪心却望山崔嵬

泊昭亭山下得亭字

雲中峯午午潭上樹亭亭久作大梁客貧畱小阮醒灘愁江
舸澀祠信楚巫靈日暮渡頭立山歌不可聽

送闕少卿知宣州

汴水清明下宣城太守行鴨頭吳蕩綠燕尾楚舡輕族本三
陽重詩從小謝清州民還最喜門下舊通名

昭亭與潯陽舍弟別

昭亭潭上水下與九江通去客解輕舸落潮乘順風回頭迷
遠樹沒背見飛鴻寂寞還窮巷桓爨宅在東

遊響山

久憶門前勝聊乘逸興遊寒篙進溪曲古木暗城頭鳥過空
潭響船隨碧瀨流梅花三疊罷烟火起滄洲

送弟令南陵

寧國府志

卷二十四

藝文志 詩上

二十九

新買紫驪馬欲歸清弋江去從琴鶴獨來任舄鳥雙落實收
盈筐醅醲熟滿缸弟兄相憶否風雨舊同牕

送達觀禪師曇隱歸隱靜

栗林霜下熟歸摘禦寒冬帶月涉溪水過山聞寺鐘未嫌雲
衲濕已喜野人逢且莫似杯渡滄波與去蹤

寄題南陵息亭葉閣

竹裏有清館池中多藕花日光穿岸脚水影射簷牙柱穴蜂
歸響爐檀火過窠已知民訟息漉酒費巾紗

開元寺假山

石是青苔石山非杳靄山諸峯生鏡裏小嶺傍池間雨不因
雲出門疑爲客關何須費蠟屐暫到此中間

宛溪

宛水過城下滔滔北去斜遠船來橘蔗深涉上魚蝦驚美冒
葉蜜香聞稻花歲時風俗美笑殺異鄉槎

嶧山頂王廟

項羽路由此力聞能拔山八千提楚卒百二破秦關垓下圍
歌合江頭匹馬還却思諸父老相見亦何顏

早春田行

風雪雙羊路梅花溪上村烏呼知水暖雲濕覺山昏婦子來
陂下囊壺置樹根予非陶靖節老去愛田園

宣州雜詩

昭亭萬仞山古廟半山間賽雨使君去釣潭漁文閒蕨肥巖
向日竹暗壟連關北望高樓上南飛鳥自還
三洲灘口急兩水渡頭來下過桓爨宅上通嚴子臺潺湲瀉
寒月滉漾照春梅白鷺驚飛處魚多見底迴
每過響山畔常思路中丞開亭宴貔虎制賊象水蠅舊刻多
磨城今人少有稱茸茸春草長時有牧童登
細雨春岡滑無因駐馬蹄裘單懷後侶風急過前溪近寺聞
漁鼓穿林聽竹雞田家春正急炊飴待鋤犁
諸葛久精妙已能聞國都紫毫搜老兔蒼鼠拔長鬚露管何
明淨煙丸事染濡班超投此去死作玉關夫
高齋謝公沒此地卽危樓不改窗中岫無停川上舟壁陰緣
薜荔城暝嘯鵠鷗萬井曉煙合素霓橫樹頭

寧國府志

卷二十四

藝文志 詩上

三十

北客多懷北庖羊舉玉卮吾鄉雖處遠佳味頗相宜沙水馬
蹄驚雪天牛尾狸寄言京國下能有幾人知
傳道零陵守茲亭暫解裝分羣同雁鷺幾日到瀟湘斑竹思
虞舜蘋萍憶楚王殷勤吏部句今亦誦無忘
大實木瓜熟壓枝常畏風帖花先漏日噴露漸成紅青箬包
山舍馳心奉漢宮誰將稟馳載辛苦向驕
高林似吳滿樹鋪鋪結子繁黃李炮仁瑩翠珠神農本
草闕夏禹貢書無遂壓葡萄貴秋來徧上都
斫漆高崖畔千筒不一盈野糧收橡子山屋點松明只見樹
堪種曾無田可耕兒孫何所樂向此是平生
五月黃梅肥中朝密雨微綠苔侵竹閣潤氣襲人衣背隴霑
牛去啣蟲濕燕歸高山發瀑水夜漲入吾扉

東溪

行到東溪看水時坐臨孤嶼發船遲野鳧眠岸有閒意老樹
着花無醜枝短短蒲茸齊似剪平平沙石淨於篩青雖不厭
住不得薄暮
歸來車馬疲

來上人歸宣城兼柬太守孫學士

李白不厭昭亭山看盡飛鳥雲獨閒我今相送一懷想想在
謝公窗戶間

和張簿山門各韻詩

高巖日照雲常紫吹作蘭花透紋綺橫爲步障看未收山雨
一來風滿耳
日脚射空金縷直下映壁間梭未織野老先却雨又風明朝
望此重雲黑
洞門雖向扶桑開洞深不放陽鳥入古來道士今莫逢石壁
乳流苔正濕
流泉決決出洞底自有細浪非風吹山花逐水到山下漏洩
人間春未知
誰將萬古倚雲劍刺破蒼石天窗開下貯泓淵不可極有時
月滿清光來

題山門寄聖俞

張獻民

仄徑纔通文春隈山腰大闕門崔嵬若非天地功破裂定是
鬼神力鑿開混混旁撐蒼壁立空空直貫清風來祇應便徹
仙源去願躡
飛雲到玉臺

寧國府志

卷二十四

藝文志 詩上

三十一

題山門各景寄聖俞

撒衣秉火捫石入路硬礪确黑如漆窮搜不見瞿劓生洞中
依舊石藏室朝陽洞
洞流何處窟穴斷泉向洞中源源生潺潺萬古流不盡夜夜
空照山月明漣漪洞
一竇險若到平處裂壁忽見天共明水深不敢投石響潭中
惟恐神龍驚碧雲洞
朝見紫雲生罪罪暮見紫雲歸戢戢有時飛鸞舞上下料是
仙人潛出入紫雲巖
屹嶠欲到倚山脚涵雲洩雨摩半空向晚陡然射頽照壘石
爛爛參差紅夕陽巖

送宣州杜都官

曾鞏

夜聞陵陽峰上雨曉見宛溪春水平畫船不待雙檣挾歸客
喜成千里行牧之文采宜未泯夫子風流今有聲篇什高吟
鳳凰下翰墨醉酒烟雲生撥置簿書有餘力放意樽壘無俗
情志義非徒勸風俗愷悌固可交神明餘休比戶得涵泳
訟累歲皆澄清荐章交論付丞相士行如此宜名卿江湖一
見十年舊談笑相逢肝膽傾鷓鴣一枝聊自得去矣黃鵠高

飛鳴

水西

曾紆

杖藜出郭一水近石磴古路穿松筠萬仞絕壁倚天未百折
驚灘當寺門泉聲飛下錦繡谷殿影插入玻璃盆宣州水西城
南何足云

寧川道中

渡水川橋一徑斜潦收溪足露汀沙半川雲影前山雨十里
香風晚稻花異縣悲秋多客思豐年樂事屬田家故園正好
不歸去滿眼西風吹鬢華

遊山門寺望文脊山

吳季野

宣城百山間文脊尤奇峯拔出飛鳥上畫圖難為容聞昔有
幽人捫蘿追赤松遺形此古室孤坐鹿裘重人去邈不返洞
壑空藏龍側行蒼崖煙俯仰求靈蹤逝者如可得甘棄萬戶封
安能久塵土傾倒相迎逢

寧國府志

卷二十四

藝文志 詩上

三十二

按此詩載王荆公集中而厲太鴻宋詩記事即引府志屬

之季野不知孰誤

聖俞惠宣州筆戲書

歐陽脩

聖俞宣城人能使紫毫筆宣人諸葛高世業守不失繫心縛
長毫三副頗精密硬軟適人手百管不差一京師諸筆工牌
榜自稱述纍纍相國東比若衣縫蟲或柔多虛尖或硬不可
屈但能裝管榻有表曾無實價高仍費錢用不過數日豈如
宣城毫耐久仍可乞

乞藥有感呈梅聖俞

宣州紫沙合圓若截郟筒偶得今十載走宦南北東持之聖
俞宅乞藥戒羸僮聖俞見之喜遽以手磨礬謂此吾家物問
誰持贈公因嗟與君交事事無不同憶昔初識面青衫遊洛
中高標不可揖杳杳若雲間鴻不獨體輕健目明仍耳聰爾來
三十年多難百憂攻君晚得奇藥靈根斷離官其狀若狗蹄
其香比芎藭愛君方食貧面色悅以豐不憚乞餘劑度幾助

衰癯平時一笑歡飲酒各爭雄向老百病出區區論藥
功盛衰物常理循環勢無窮寄語少年兒慎勿笑兩翁

挽梅聖俞

昔逢詩老伊水頭青衫白馬渡伊流灘聲八節響石樓坐中
辭氣凌清秋一飲百瓊不言休酒酣思逸語更道河南丞相
稱賢侯後車日載枚與鄒我年最少力方優明珠白壁相報
投詩成希深擁鼻謳師魯捲舌藏戈矛三十年間如轉眸屈
指十九歸山邱凋零所餘身百憂晚登玉墀侍珠旒詩老壘
鹽太學愁乖離會合謂無由此會天幸非人謀頷鬚已白齒
根浮子年加我貌則不歡猶可強閒屢偷不覺歲月成淹留
文章落筆動九州釜甑過午無饋餽良時易失不早收篋積
瓦鏤遺珠璆薦賢轉石古所尤此事有職非吾羞命也難知
理莫求名聲赫赫掩諸幽翩然素旆歸一舟送子有淚流如
溝

哭梅聖俞

王安石

詩行於世先春秋國風變衰始栢舟文辭感激多所憂律呂
尚可諧鳴球先王渾竭士已偷紛紛作者始可羞其聲與節

寧國府志

卷二十四

藝文志 詩上

三十三

急以浮真人當天施再流篤生梅公應時求頌歌文武功業
優經奇緯麗散九州衆皆少銳老則不公獨辛苦不能休惜
無采者人名適貴人憐公青兩眸吹噓可使高岑樓坐令隱
約不見收空能乞錢助饋饅疑此有物司諸幽棲樓孔孟葬
魯鄒後始卓犖軼伊周聖賢與命相楯矛窮陋以強達誠無由
詩人況又多窮愁李杜亦不爲公侯公窺窮陋以強達誠無由
坐老當誰尤吁嗟豈卽非善謀虎豹雖死皮終留飄然載喪
下陰溝粉書幅軸懸無旒高堂萬里哀白頭東望使我商聲
謳

劉遺民釣臺

蔣之奇

最愛先生臥白雲一竿來此釣紅鱗我今不學磻溪叟待作
宗雷社裏人

水西示劉尉

役役塵埃倦俗情偶逢佳處得閒行憑君爲把如椽筆便向
蒼崖記姓名

涇溪

蕩漾輕沙深淺間羣山迴抱翠連環扁舟便欲乘流去直下
三門六刺灘

石壁 并序

胡瑗

余嘗覽李翰林題涇川汪倫別業二章其詞俊逸欲屬和
之今十月自新安歷旌德而僊尉曾公望同遊石壁蓋勝
境也奇峯對聳清溪中流路出半峯佳秀可愛地距新建
汪公所居不遠掩映溪岫率類於此且欲過訪迫暮不獲
因思旌川即涇川接境也而幽勝過之汪公亦倫之別派
也而儒雅勝之豈可使諷詠不及於古乎輒成一首題於
汪公屋壁雖不及藻飾佳境比肩英流庶俾謫仙之詩不
獨專美

獨專美

寧國府志

卷二十四

藝文志 詩上

三十四

李白好溪山浩蕩旌川遊題詩汪氏壁聲動桃花洲英辭逸
無繼爾來三百秋汪公益蕃衍宗枝冠南州其間新建居林
泉最清幽竹聲滿道院山光入書樓我來至石壁賞之不能
休酣味碧溪水若飲黃金甌因羨汪君居復思汪君投遇景
清興發浩與天雲浮斐章異繡段灑
翰非銀鈎庶與謫仙詩千古同風流

送舅氏野夫之宣城二首

李莘

黃廷堅

籍甚宣城郡風流數貢毛霜林收鴨脚春晚薦棊高共理須
良守今年輟省曹平生割雞手聊試發硃刀
試說宣城郡停杯且細聽晚樓明宛水春騎簇昭亭粳稬豐
圩戶桁楊臥訟庭謝公歌舞處時對換鵝經

謝送宣城筆

宣城變樣蹲一作雞距諸葛名家埒鼠鬚一束喜從公處得
千金求買市中無漫投墨客摹科斗勝與朱門飽蠹魚愧我
初非草元手不將閒寫吏文書

題宣城郡樓

林希

虎邱換得敬亭山，句水松林數舍間。天下難如兩州好，君恩乞與一身間。

赴宣城吳興道中

張耒

秋野連雲靜，三吳種熟時。風江客帆疾，晴野雁行遲。草木霜天曉，山川澤國悲。宣城不負汝，好繼謝公詩。

白羊道中

日出客心喜，路平人足輕。風高不成冷，雨過有餘清。水落溪魚出，村深田鶴鳴。勝遊須秀句，多愧謝宣城。

宣州後堂

雨過山亭暑氣微，老人猶未試生衣。滿園閒綠無人到，盡日南風燕子飛。

送思齋上人之宣城

林逋

林嶺靄春暉，程程八翠微。泉聲落坐石，花氣上行衣。詩正情懷淡，禪高語論稀。蕭閒水西寺，駐錫莫忘歸。

昆山

林淳

寧國府志

卷二十四

藝文志 詩上

三十五

昔來因禱雨，祝旱却重遊。洞裏龍何在，山前水自流。黃楊厄閏歲，白菊殿殘秋。正好看雲起，珠簾莫下鉤。

槩溪

湛湛長溪水，飛橋遠近通。客喧墟市合，仙去釣臺空。欲辨磨崖字，忽聞遵渚鴻。僧無贊公趣，誰與論巖中。

清心堂

好山佳水照晴檐，時鼓瑤琴誦雅南。吏散庭空無箇事，一輪明月印空潭。

槩溪

李定

芳草茸茸襯馬蹄，兩陪憲節過槩溪。東風又屬梨花月，膏雨新調燕子泥。郵舍亭空蒼蘚合，釣臺人去暮雲棲。此行不憚

馳驅遠千里，江山入品題。

東峯亭

劉琦

凱還幾度宴東峯，新構危樓接梵宮。勢入青冥橫絕壁，路盤空曲壓高松。臨流自笑功名薄，對酒欣逢景色重。飄泊却慚

歸未得日斜
坐聽白雲鐘

石壁道中

陳天麟

雲中疊疊石齒齒
山色溪聲三十里
霜餘木葉半丹青
道上松風雜宮徵
捨車而徒度險艱
邇來跣足愁躋攀
宮間無祿與王事
不妨拄杖對潺湲

旌陽道中

山邑無郵傳
農夫半甲兵
石樓橫斷岸
草徑入荒城
聞道甘泉駕將臨
細柳營風塵
何日靜畱眼看昇平

後林寺

涼颼發遠軻
殘暑促歸輪
山色不厭客
蟬聲強聒人
功名塵外累
身世醉中真
更上高樓望何峯
可卜鄰

深塢寺

古寺深深隱籃輿
得得來三休
登隴首百轉入巖隈
喬木千章老
鳴泉萬古哀
無人同此趣
獨爲少徘徊

寧國府志

卷二十四

藝文志 詩上

三十六

福田寺

遠市前朝寺
何年古佛廬
上方分勝業
小築寄幽居
坡隴青相接
川原綠自如
欹眠聽秋雨
懷抱稍虛徐

茅殿寺

伊昔高人隱
誅茅此殿陰
丹青妙輪奐
香火闕幽深
朝市有遷換
溪山無古今
蕭齋午睡覺
欹枕一長吟

秋霜閣

登臺坐想遺民釣
入寺行歌李白詩
竹榻蒲團僧定早
青鞵布鞵我歸遲
雲邊掃石畱題處
月下憑闌把酒時
百尺蒼松唐舊物
問渠嘗閱幾興衰

勝因寺

山行詰曲到禪林
臺殿丹青歲月深
薄晚春寒生几席
逼人空翠撲衣襟
客塵冉冉凌清思
俗狀紛紛費苦吟
若得一邱容我老
便攜藜杖事幽尋

風玉亭

夜聞騷屑此君語晨起急登風玉亭一笑相逢珍重別不隨
人改舊時青

入石壁

周紫芝

兩峯夾天高一水遶山麓鳥道盤山腰下臨千仞谷俯視寸
心草千章羅巨木道險當捨車重胼摩兩足不知誰鑿虛穿
穴入山腹平生蜀道難耳目聞見熨茲山亦尤物初未掛史
牘了知天宇間萬險自重複窮人重錙銖凌冒取危辱歲宴
雪霜多歸途戒當速

出石壁

倚空出巖平地石齟齬修塗繚危磴十里無寸土山高不
見日霧重自成雨入壁始天明出壁日過午青蒼斷崖谷開
豁見天宇稻田棊局方梯山種禾黍道旁三兩家稍稍聞笑
語始知在人寰邂逅得徒旅倦僕飢欲啼遊子歡自許攜擘
老一厘白髮無處所何當把春犁望月耕隴畝閉門了殘年危磴不復取

寧國府志

卷二十四

藝文志 詩上

三十七

憇高公惠連墓下有感

高公古遺直三載立螭頭載筆有公言高論肅冕旒少年取
巍科妙學通九流晚窺青囊書穴地生公侯當時千載人繼
出歐與劉如何百年後零落歸山邱墓門變荒棘長江泣高
秋佳城定天與政自非人謀

謝元不伐寄靈巖用梅聖俞韻

靈巖勝絕天下稀開鑿乃自太古出山川初豈有顯晦勝處
要須詩黼黻自從梅老登列仙尤物誰憐久埋沒具茨筆力
扛九鼎坐遣清詩入山骨據龜食蛤誰與遊絳節雲車到仙
窟雲中招手疑有無月中吹簫眞髣髴飛雲杳靄風吹香翠
澗空濛雨垂濕誰從洞中看金書想對神清時獨立我家靈
巖山脚底識面何由恍如失雖無幽夢到三山尚有明珠容

襲什

宿秋霜閣後方丈

秋霜落後題詩處醉墨淋漓苦未乾不易窮愁孟東野亂峯
空鎖一溪烟

和李太白水西詩韻

釋守訥

涇水秋更清，清波照城郭。謂言尋勝遊，步躡秋霜閣。詩人昔
仙遊，江左苦飄泊。壯志負青雲，浩氣橫碧落。邈矣不可追，苔
封辨遺作。支廊極簡淨，開軒俯層巔。巔層巔，一百尺凜若積鐵。
堅古木，上雲雨。美蔭長，新鮮冷。迎風竹瑟瑟，鳴石泉。寒聲
落几窗，如聽朱絲絃。真成一段奇，不減壺中天。人間五六月
暑氣，方煩煎。請收紅塵脚，登此清冷軒。

寒亭

范成大

溝塍與澗合，隴畝抱山轉。向來六月旱，此地免焦卷。早穗已
垂垂，晚苗猶剪剪。一川豐年意，比屋聞鷄犬。老農霜鬚鬢，豐
饒黃犢健。自云足蹈地，常賦何能免。刈熟倩人輸，不識長官
面。康年無復事，但恐社酒淺。我亦有二頃，收拾尚可爾。懷哉
笠澤路，歸鎗犁頭蘚。

青弋江

微生本漁樵，長日渺江海。叩舷濯滄浪，尚說天宇隘。謁來車
馬路，悒悒佳思敗。黃塵撲眉鬚，驅逐似償債。羸驂繫偏仄，狂

寧國府志

卷二十四

藝文志 詩上

三十八

犬吠荒怪鄉，心入旅夢一。葉舞澎湃晨，興過墟市喜。有魚蝦
賣眼，明見清江積。雨助橫潰褰，裳換扁舟艤。虺不勝載，不辭
野渡險，弄水聊一快。

曉自銀林至東灞登舟寄宣城親戚

曉山障望眼，脉脉紫翠橫。澄江已不見，況乃江上城。結束治
野裝，木末浮三星。羸馬隴頭嘶，小車谷中鳴。亭亭東壩樹，練
練綠浦明。篙師笑迎我，新漲沒蘋汀。徑投一葉去，雲水相與
平。聊將塵土面，照此玻璃瓊。清懷我二三，友高堂晨欲興。風細
桐葉墮，露濃荷蓋傾。疑香繞燕几，安知路傍情。

復自姑蘇過宛陵至鄧步出陸

漿家饋食，糧爲藩酒市。停驂竹廡門，紅樹亭亭棲。晚照黃茅
杳杳被，高原飲溪有迹於菟。過掠草如飛，扑渥翻車軌。如溝
平地少飽帆，天鏡憶江村。

自寧國溪行至宣城舟人云凡百八十灘

波驚石險夜喧雷
晚泊旗亭笑眼開
休問行人緣底瘦
適從百八十灘來

劉慶充自黃山歸索其道中詩書一夕問之

鳴騶如電馬如雷
知是婆娑醉尉回
常日錦囊猶有句
況從三十六峯來

宣歙道中

楊萬里

天齊玉立萬孱顏
三日深行紫翠間
便是昨來千佛閣
望中見此兩州山
詩家寒刮少陵骨
宮樣高梳西子鬢
祇好遙看莫登覽
今晨登處鬢都斑

遊橫山寄胡樞密

孫覲

波間指點見青紅
雪脊峻岫倚半空
幻出生綃三百幅
遊人渾在畫圖中

望文脊懷瞿礪先生

姚闢

文脊山中姓已逃
江城爭羨少微高
應知司馬來窺鼎
便學秦人去種桃
海上音書斷鴻應
洞中吟嘯伴猿獠
鹿裘誰識

寧國府志

卷二十四

藝文志 詩上

三十九

先生志却把
虛詞倚伏滔

漣漪洞

石門高險勢摩天
洞底清冷瀉碧漣
蘋藻魚遊知暮雨
薜蘿人去鎖寒烟
山櫻已熟垂朱實
巖竹新抽露玉鞭
只恐遊人歸馬急
野僧何惜白雲眠

山門

郭奎

黃茅蓋屋石爲門
路轉溪迴更有村
果樹連園收芋栗
豆花滿地散雞豚
雲深易就漁樵隱
山遠全忘市井喧
何處武陵堪避世
此中佳處亦難言

寧川道中

汪夢斗

緩兀吟鞍去鞭長
袖裏垂烟分村遠
近水見地高
卑風緊鳥飛疾
川寒魚上遲
擁爐坐殘雪
久已數歸期

過棗溪

石臺突兀倚晴空一帶春江暝玉虹千古佳名喚行客騎魚
何處訪葉公

旌德道中

天氣纔晴便不同輕輕拂面有和風溪邊春事關心處楊柳
深青杏淺紅

旌德道中呈李彥恢彭元任

呂居仁

水西投宿近秋霜起聽晨鐘厭束裝尙惜故人新作別亂山
深處過重陽

題豐溪清風臺

呂鏜

瘦竹長松萬仞山白雲深處小禪關忘機人到忘機處一縷
春風盡日間

鳧山廟

練愷

仙人丹成去不返至今廟貌畱名山嗟予俯仰隨韉鎖塵土
驅馳止汗顏

雲煙深處路縈紆元是真人舊隱居我亦放情邱壑久官閒
時得命籃輿

寧國府志

卷二十四

藝文志 詩上

四十

秋霜閣吟

李中丞

鑿石開雙扃橫崖架虛閣清風天外來瀟灑動簷鐸因吟謫
仙詩謂言秋霜落登臨正炎熇還憶貂裘着就礪引清泉酌
之勝香酪洞猿相徘徊崑鳥相呼諾眼界絕氛埃世味久淡
薄寄跡在簪紱矢心已林壑却笑山中人不知山中樂

題景呂堂

霍權

佞人巧求售富貴一息頃千古名不磨寸心猶耿耿偉哉正
惠孫疾惡何勇猛平生歷宦途南臺與東省初着獬豸冠排
擊首權倖奸雄始無孽忠憤已骨鯁一片忠義心嗷嗷從簿
領涵養老益壯大節兼晚景若人久云亡冰魂嗟已冷羨慕
徒馳神反
身益三省

題姚司戶萬翠亭

崔起之

名山繞旌川未易千百計棲真聳其西二幕青扞蔽柳山與
龍山連亘殆無際大鼇從東出石鼓相軒輕華容接雞形蔓
衍若難制維南有梓山盤屹萬里勢有殿曰甘露岡崒挿天
地玉壺枕其北鳧山復相比礪嶺介鳳凰大洞闡天秘姚君

天韻奇氣概高一世胸中抱邱壑作亭非壯麗獨能極遐觀
領畧萬山翠蒼玉無遁形秀色歸一視却笑昔人非所見殊
無異東亭亂清暉僅得翠微意東山羅紅裙未免聲色
累惟君別幽趣徜徉樂清致青山不改舊對客時一醉

宿三溪

汪藻

驛荒苔半侵村迴鵲孤立西風舉衰柳山雨寒更急經行屢
回首歲事忽將及空餘候蟲號未受霜氣蟄松膏取鄰火對
燎客衣濕試起望
諸峯天涯夕陽入

鳧山廟

汪襄

籃輿陟重岡靈壑極深渺峻嶒勢居尊俯視衆山小樓閣何
崢嶸松檜各環繞云古有真人結茅避紛擾丹成獨仙去霞
袂輕縹緲至今存廟貌香火自昏曉土民夙信嚮水旱必祈
禱圖經偶遺逸終始竟莫考宣和辛丑春強寇干天討旌旗
蔽空來縱火欲一燎神仙嚴衛護殿宇卒完保豺狼隨殄滅
父老驚絕倒酌酒謝神貺鼓吹繞樹杪我來罄精誠瑤堦瞻
睥表聊記靈異
迹壁間一揮掃

寧國府志

卷二十四

藝文志 詩上

四十一

鳧山廟

李宏

顯道廟蓋晉之隱者不顯其姓後世無考時竇子明罷令
煉丹陵陽峯與之邂逅遂相與友往來麻川之望僊絃歌
徽水之樓眞高嶺皆有蹟焉廟存古碑具載其事雖剝裂
尚可讀政和間賜額鄉人因大其祠以歆朝寵蒼神貺今
碑已徙置樓基下里有裘氏者年八十餘尙能言之乃悉
如前所說子懼後人無所考徵輒成長句以記其實度幾
傳信矣

傳信矣

鳧山高與蒼旻齊根盤百里雄坤輿油然出雲爲風雨澤周
一境無凶饑重樓複殿據山腹蜿蜒攬護神之祠威靈如在
駭聞聽至今父老能言之斷碑剝缺尙可讀湮埋歲久人孰
知高高一峯獨秀出上有蟬蛻眞仙居仙聞嘗任石埭尹化

流德洽真民師持竿戲投白龍餌隱霧深韜元豹姿手披葢
笈校丹篆足躡飛昇騰紫微相逢邂逅一笑粲真將莫逆論
心期從茲來往因無間遺蹤所至猶可推絃歌標鄉里猶在
望仙記地名獨垂棲真奇偉曾稅駕絕頂尚畱丹竈基近郊
晉井數盈九石斲堅深端可窺神既廟食還舊隱仙亦偶坐
祭郡縣有請咸勿違一朝飛章達旒宸往往乙夜曾躬披俞
音載錫降芝簡寵賁徽名昭典彙神兮僊兮服君賜福庇斯
民無已時僊將出遊神速往霓旌絳節相追隨神既來歸仙
至止克衣羽帔瞻光儀繫子頂謁亦云屢淋漓醉墨聊一揮
詞雖蕪類事撫實
度幾傳信祛羣疑

宴北樓次韻

林宗放

浮空紫翠撲層臺謝守吟窗一夜開雲影四垂高捲幔溪痕
渾落淺膠杯紅蓮綠水嘉簪盃白鳥孤雲入句來緩放笙歌
下樓去涼州
重聽徹崔嵬

和府判給事登疊嶂樓喜雨韻

寧國府志

卷二十四

藝文志 詩上

四十二

風流不獨占才名水鏡冰壺表裏清千里溪山娛暇日一天
風雨送秋聲飽聆玉屑霏談塵燦靚驪珠出管城臥轍遮畱
能幾日捲簾
煙景若爲情

陪郡守遊西園

倒影扶闌印碧溪玻璃盤上玉東西落紅那得愁如海舉白
難逃醉似泥郎宿高明香霧起客星華耀燭花低波心夜半
魚龍舞都轉
天風入鼓鼙

登南城

江城一眺思悠悠平楚蒼然野水流衰草寒烟梅老墓敗垣
斜日謝公樓江山有恨英雄老天地無私草木秋萬古興亡
俱是夢丈夫
何日爲身謀

題疊嶂樓

程昭

萬里天光入茗甌半窗雲氣撲簾鉤奚奴解指唐朝寺歸燕
猶知謝氏樓邨市酒旗搖竹徑野川漁艇逆溪流讀書人已

成陳迹有客
重登未白頭

過千秋嶺

俞儔

輕陰漠漠雨班班嶺上風來一解顏
已是去天纔尺五却令緩步有躋攀
飛泉百道縈羅帶列岫千峯擁翠鬟
應是北堂回首望家山

和耕綠亭

花村犬吠可能無但使三農力有餘
千畝秋成雲漠漠一犁春事雨踈踈
登臺想見民同樂上考何妨亦自書
祇恐雙鳧便飛起愛閒寧許伴春鋤

和趙守獨遊水西寺

程炎子

吟月歌風酒力微獨尋幽壑叩禪扉
泊堤小艇迎人渡入水間雲伴鶴飛
梅落半含冰雪思石寒長覆薜蘿衣
水西景物還如舊恨不相從倒載歸

寧國府志

卷二十四

藝文志 詩上

四十三

寺閣

汪士深

寺古陵陽第一峯寶扉珠樹碧玲瓏
鶴巢霄漢浮圖頂僧舍煙霞丈室中高閣
鐘聲聞遠近上方燈影徹西東一從杜牧
題詩後翰墨誰能繼古風

元妙觀

海上飛來一片雲此中應有釣鰲人
洞簫吹月蓬萊曉瑞簡承恩魏闕春
千古煙霞開秀色半空樓閣絕飛塵
何時重訪仙壇鶴玉樹桃花幾度新

夕陽巖

章夏

暖憑磴蘚坐蔭覓崖松倚一詣雲屋
深猿鶴頗相喜雙鬢白紛紛謂我作黃綺

漣漪洞

石竇定神剎控隘潭水際神靈浮槎入
想到珠宮憩豈似武陵源尚容人避世

碧雲洞

褰裳踏寒流，路險仰復僂。崖根積雪石，脈泉流雨融。結知何年人間閱，今古

書靈巖壁

文子平

凌晨策羸驂，尋山結遊侶。路行幾舍餘，穿林傍溪澣。秋風吹黑雲，爲我閣飛雨。石門殊怪奇，嵌空滴泉乳。尚記唐人名，鑿崖字仍古。來遊共嘆羨，煩喧豁襟腑。咫尺見文脊，煙嵐隔重塢。瞿硎昔巖居，菴廬今在否。可望不可到，心思插雙羽。凝然但行畱，遲遲遲。遲默無語。

山門靈巖

元勛

諸山深窟宅，石門限塵寰。空洞初不碍，風扉敞雲關。高廣幾何許，百夫可迴環。誰托遺蹟在，溟濛煙霧間。羽駕此往來，朝貢想清班。西風翠屏近，藤蘿莫容攀。因循再閱歲，遲見亦以艱。忻茲固殊特，獨冠江南山。少陵惜未到，我語憑誰刪。

前題

余良肱

寧國府志

卷二十四

藝文志 詩上

四十四

畫舸夷猶紫翠間，暮雲如掃月如環。三門六刺須臾過，恰似嚴陵七里灘。

前題

元積中

一棹雍容數里間，千巖萬壑翠迴環。轉頭惟恐好山盡，不放輕舟便下灘。

釣臺

石轉溪頭痴虎踞，風吹水面老龍鱗。至今不卜先生意，多少溪邊擲釣人。

桃花潭

徐璫

紅英狼籍拂漁舟，仙客當年到此遊。今日踏歌人不見，碧波無語自東流。

東峯亭

陳毅夫

虎踞龍盤疊嶂開，東亭新構鎮崔嵬。赤囊破賊人何在，烏府乘驄客再來。霽色先從雲檻曉，秋聲偏覺露蟬哀。百年興廢將誰問，惟有殘碑在草萊。

前題

水西庭榭枕東峯終日秋陰一徑松月到灘心來白鷺雲浮
潭面起蒼龍最宜翠斂前山雨長是聲聞近寺鐘報捷功名
今共閒時攜樽酒訪遺蹤

臧詵

憶山門寺

蔡揚

紫府行可到清溪深不通何當控雙鯉真入水仙宮

歸途過麻姑山

戴曷

山行十里少人家客子貪程怕日斜倦坐松根需足力輕風
滿面落藤花

五松山太白祠堂

艤舟來訪竇雲寺快上山頭尋五松捉月仙人呼不醒一間
老屋戰西風

過震山別文孟淵父子

文天祥

寧國府志

卷二十四

藝文志 詩上

四十五

我為宣郡守秋暮臨涇邑白髮二疏翁坐語共夙夕千里雁
書查一宗魚契合震山開學譜丹竈憶仙跡友愛情思久俄
忽杯酒別黃菊落殘英露滴根頭濕

梅都官墓

滄滄宛水陽鬱鬱都官墳喬松拱道周緣塋茁芳蓀古時北
邙歎白楊邈游魂大雅獨不墜修名照乾坤再拜墳上土躡
履揖諸孫握手慷以慨而有典型存渥注生
騏驎荆山產瓊璠悠悠清涓流眷言保其源

疊嶂樓

初日照高樓輕煙在疎樹峨峨遠岫出泯泯清江去檐隙委
殘籬屋宇連宿莽薈蔚共低昂熹微分散聚城郭諒非昔山
川儼如故童鬢已零落姝顏慰
遲莫沈沈澹忘歸欲歸重回顧

題推官廳覽翠亭并序

前推幕李君作亭梅聖俞名以覽翠為之記今二百餘年

碑沒久矣天台陳君克實來發而得之復表之亭上余志

以詩

都官自楚產文采光陸離當年從事君如與山川期歲月忽
已適天球落塵土豈曰無嘉賓過者爲我顧誰令赤城子發
坎出方珉靈物必復見其見乃以人回顧城南端飛薨俯蒼
林流峙豈云變物理有屈伸寥寥南樓月至今有選音千年
一邂逅共調風中葉亦欲結方軌擊
莛事幽尋行行且言邁踟躕思何深

勸農歌

有引

太守到郡踰月被命造朝辭免不允且旦夕去矣猶以職
事得出郊與爾農父老告語一次記李莊簡公曾守此土
後有一帖云僕頃守宣城今已二十八年東望雙溪疊嶂
之勝感嘆而已因見諸父老爲祝率勸子弟爲士爲農仰

事俯育爲忠爲孝戮力以事田疇先時而畢租稅立身揚
名以顯父母是所望也李莊簡去任已久尙拳拳宣人如
此今太守與爾父老方此相處遽然去之其拳拳又可知
因取莊簡公意衍爲勸農五詩以寓戒酌酒與爾父老誦
之爾父老其轉語鄉曲子弟能從吾戒而不爲惡卽能從
吾勸而爲善他日太守在他所遇宣人必問曰爾父老安
否爾農曾從吾勸戒否爾等尙勉旃以副太守去後之思

第一勸爾勤耕作布種及時休落魄惟有鋤頭不負人飽食
暖衣多快樂

第二勸爾行孝弟敬重爹娘比天地前人做樣後人看滴滴
相承簷溜水

第三勸爾勤教子有子讀書家道起若還飽煖不知書千萬
莊田不禁使

第四勸爾常脩善糶米救荒極方便但從心上做陰功管取
兒孫多貴顯
第五勸爾了王租莫教人喚作頑都年年早納早收鈔那有
公差來叫呼
第一戒爾莫謊狀須知官府難欺誑從來反坐有專條重者
流徙輕者杖
第二戒爾莫避役既有田園那避得今朝經漕明朝倉到底
費錢有何益
第三戒爾莫拒追擔刀使捧欲何爲有事到官猶可說殺身
償命悔時遲
第四戒爾莫無賴故殺子孫罪名大縱逃人禍有天刑害人
不得反自害
第五戒爾莫奪路做賊不休終敗露斬絞徒流此中來能得
幾錢受此苦

登雙溪閣

閣在府治後

碧落神仙宅當年小謝來烟雲連草樹山水近樓臺萬雉銀
缸舉千鴉鐵騎回梅花衣上月把玩爲徘徊

宣州罷任再贈桂巖楊相士

寧國府志

卷二十四

藝文志 詩上

四十七

貧賤原無富貴思泥塗滑滑總危機世無徐庾不如臥見到
淵明便合歸流落丹心天未肯崢嶸青眼古來稀西風爲語
巖前桂若更多言却又非

元

麻姑觀

郝經

路入雲關寂不譁石田瑶草帶煙霞貯經洞古無遺蹟養藥
爐存失舊砂青鳥若傳金母信紫鸞應返玉皇家巖扉不掩
春常在開遍
碧桃千樹花

按郝信使被繫儀徵困同雪窖迨元師南下卽禮送北行
轍迹所經何由至宛且查其祖天挺亦有是作其非宣城
之詩可知也舊志所載姑仍之

過後潭

吳琳

野店沽新酒，蘋香薦廟靈。一篙春水綠，兩岸晚山青。繫馬人呼渡，窺魚鷺立汀。同行二三子，爾我喜忘形。

題土山寺二首

張浚明

出城十里，羃塵遠。此地登臨，是勝遊山勢。西來分鳳爪，溪流南下繞龍頭。瞿曇殿聳，仍孤刹。丞相祠荒，但古邛獨倚。闌干人不會，霜風落葉正蕭颯。

平瞻蒼翠倚潺湲，詩景分明指顧閒。地接郊垆換今古，秀鍾人物在湖山。春風跨馬銀鞍穩，夜月騎牛鐵笛閒。從昔陵陽多俊傑，要知天運本循環。

和南漪居士湖亭晚望韻

潘登雲

湖亭東望水連空，遠岸斜陽繫釣篷。快雨忽開千嶂碧，落霞猶帶一痕紅。魚蝦換酒沙邊市，鷗鳥忘情堤上翁。興在江湖真不淺，壯心未肯老西風。

送李有成歸敬亭

施桐

寧國府志

卷二十四

藝文志 詩上

四十八

君家騎鯨仙，山色看未了。雲仍此焉集，烟霞恣幽討。

題瞿硎室

梅機

昔聞瞿硎仙，披裘坐深谷。賁來桓大夫，逡巡不敢入。易代人已徂，高風猶在目。一爲甲巖阿，白雲滿山麓。

同諸兄弟遊栢枏溪上

偶從溪上飲，開樽臨好月。泉聲風樹亂，空林露發鷗。閒浴小渚悠悠宛，自悅所得良。不貲聽眺總，無惑以此翔。遠心兼之清興，越提壺酒漸罄。斟酌趣難竭，願言常共此。銜觴臥醉石。

萬松菴

虞集

宣城山水窟，蔽虧東西日。敬亭最清麗，遙岑出寸碧。雖微靈運遊，曾着謝公屐。其東維麻姑，石色積鐵立。雉勢踞磅礴，佳氣蟠葱鬱。磴薛未易攀，梯颺何由及。雞犬仙源深，蛙螺瀛海濕。斧柯石上遺，樵擔雲中逸。纍纍香土闕，佺仙橋出丹竈。拾赭危可陟，吸泉出平池。掉石連青壁，蒼木產異馨。香薰薈蓄石，砦危可陟。吸泉出平池，掉石連青壁，蒼木產異馨，香薰薈蓄。

靈液翠葆旣掩苒丹蕤亦蒙密紅蘭間蓬蘞叢桂雜榛棫無
復脯麟宴空餘舄鳥迹瑤草紺室生玉樹珠庭植靈光悵莫
追秀氣猶可挹樓飛齊雲翬序聳天遊翼神秀鐘造化結構
成道力萬松乃後出路自中峯入仙釋俱幻靡齊楚胥得失
山中三十年茲理究平昔年來客南湖佳處久未卽擬參照
空禪重詣源公席同遊得名勝樂飲旣怡懌簇騎凌清晨回
車告
將夕

宣城南郊何氏遊集

盧摯

懷痾苦無惊撫節驚歲淹畱屬休告寧復嬰物務幽人偶
相賞蕭散隨所遇寒郊聯騎出崇崗時延佇山家如可卽雞
犬隔煙霧舉鞭問樵丁始識山下路亭樹欵軒敞巖壑鬱盤
互主人能愛客何必論雅素濁膠散襟顏池鮮足供具雖非
窮勝踐政自得野趣日夕歸影亂嵐
霏襲衣裾鳴騶慎毋前悠然望江樹

嘉平十日訪文伯純遂偕施克剛胡明初遊眺鰲峯道院飲

事鍊師方丈王敬叔繼至分韻得山字

寧國府志

卷二十四

藝文志 詩上

四十九

蹇余抱私戚無以浣苦顏解組訪詩客息駕依松關羽流所
棲處稍出闌闌間丈室俯寒英芳氣雲窻聞烟岫列遠郊石
瀨鳴清灣覽物得深趣觴酌聊循環麻姑逝已人琴高杳
難攀超遙世氛遠髣髴仙遊還卽此悟冲素何必躋蓬山

旌德縣李氏別業

山靈滿意欲畱客玉作鳴泉松作石半空亭樹爲余開一日
雲煙盡相識南風挾秋吹畫欄六月小山生暮寒野夫生平
解高臥問君
試借青琅玕

題太白墓

大雅清風久不聞一杯聊爲洗荒墳朱絃三嘆無今古說與
江東日暮雲

梅都官宅

一上高齋憶謝公雲間江柳有無中詩家政有都官宅腸斷
荒山落葉風

題從兄希深書堂

汪珍

衡簷睥睨壓疏櫺
平割黃山一半青
落日捲雲隨鷓鴣
沒黑風吹雨帶龍腥
人間軒冕駒間皂
身外乾坤水載萍
我政江湖子林壑
客星未減少微星

陵陽歌

陵陽城頭落日黃
陵陽城下水茫茫
樓中少婦吹羌管
時有北人思故鄉

前山草堂題壁

楊載

巖磴盤盤草路微
秋陰未解澹朝暉
水春野碓雨鳴澗
木落山村葉擁扉
機杼隔林尋路去
雲霞度隴傍人飛
往來十五年
前熟老矣
傷心萬事非

九月一日遊昭亭

丁復

山色江光帶近郊
道旁楊柳舞塞條
半生九日黃花酒
多在西風白下橋
千里客遊仍暮景
異鄉人事又今朝
老來未遣登臨懶
盡醉東家綠玉瓢

寧國府志

卷二十四

藝文志 詩上

五十

三天洞

黃葉孤村路滄江
五字詩檐聲搖暮
雨樹影落寒池
客倦歲華晚
鳥鳴林谷移
人生且行樂
白髮易相期

趙知縣良巖歲晚見訪

龍種當年舊帝家
飛鳧歲晚尚天涯
忽傳詩句心先識
各問流年鬢欲華
村上春風喧爆竹
燈簷夜雨飯胡麻
東游故舊如相問
爲說桃源學種花

上徐憲使

汪鑫

桃花深處是吾廬
半世豪華等傳車
夢斷舊蕉曾有鹿
歌殘長缺信無魚
愁吟獨感庚寅賦
歸去重尋甲子書
聖代喜無封禪事
空山容得病相如

水西山中

汪銖

五峯聯氣脉一徑入爛霞
晴井蒸陰雨草渠流落花
山依東晉廟溪對古官衙
門嶂延青海灘流擁白沙
虎羊列蟠踞翁

仲半欹斜劍履幽室衣冠憶故家
經鐘朝聽擊齋鼓畫聞
槌窃火猿燒笋淘泉僧煮茶
暖蕉分貝葉朝樹曬袈裟石竇
秋澆薤巖池夏漚麻山居元寂靜
塵徑自紛華此意高人解移居未
有涯

三天洞

陳良弼

混沌知誰鑿虛明夜不關
雨晴松子落桐濕土花斑
泉洗金沙靜雲封白石閒
空山千古在龍去幾時還
日落僧歸寺雲深鳥護巢
暗泉通殿角清梵出林梢
晚栗初開罅寒梨未拆包
前山秋色近猶隔兩三均

和錄事吳正傳登景德閣

潘泰之

上國久賢吳季子風流非復舊
潘郎君詩秋色同瀟灑我興
滄洲空渺茫宦海才名雖異調
騷人胸次豈殊鄉三生杜牧
今何處冷眼禪林木葉黃

遊寶勝寺

賀子方

遙看春色溪西路與客攜壺躡
翠臺石上姓名畱李白坐中
談笑繼方回酒懷洒落清如露
詩骨峻增瘦若梅珍重此行

寧國府志

卷二十四

藝文志 詩上

五十一

須盡興無端
杜岸莫相催

題太平汪公仲雲松樓

汪士明

黃山歷歷近青霄地勝應多物
外交花樹願同韋氏會雲松
喜結謫仙巢峯前宿雨收蒼狗
澗底清風起翠蛟安得浮邱
連袂在其聽
仙樂奏笙匏

送劉有之遊涇川

貢東巖

七里岡頭謝豹啼筍輿
咿啞趨朝雞玉壺駐聽青山
近綵筆行吟綠樹低茆屋斷
煙迷石壁落花疎雨漲
琴溪錦袍仙子遊踪在珍重
劉通過水西

題秋霜閣

倪水西

登山信步踏高秋白髮東歸
復勝遊隔岸忽驚陵谷變憑欄
空戀水雲幽一時少海潛靈迹
千古叢林鏤畫樓絕壁莓苔
遺翰在半巖
風木捲蒼虬

題水西寺

熊不易

桓王廟裏神松古黃蘗寺前僧塔高行馬不旋陵變谷蟄龍
一去海生濤樓參木杪天盈尺船泊溪頭水半篙隔岸人煙
林色冥一簾
疎雨正蕭騷

贄監郡公

許希賢

金章紫綬照南州身在陵陽最上頭曉雨桑麻吳地暖西風
糶程楚鄉秋朱幡到處行雙鹿綠野何人佩一牛見說御屏
題姓字崇班
早晚侍前旒

送李知事

王儒珪

應幕宣城郡人稱燕趙賢青冥三釜養白髮兩親年臺閣須
良佐衣冠擁別筵片帆梅雨裏秋滿下江船

和戴帥初陪廉憲副遊三天洞韻二首

王圭

勝跡三天洞清遊五字詩懸泉垂馬乳暗谷隱龍池坐久禽
聲集吟殘樹影移賢侯興不淺應有後來期

寧國府志

卷二十四

藝文志 詩上

五十二

黃葉荒溪滿青蓮紺宇開闌干盤石樹方丈出氛埃洞古遊
人識巖高倦翼回祇因山下叟常說繡衣來

陳公輔遷居

大隱何嘗厭市閭新遷端為好樓居坐來疊嶂雲生麓住近
雙溪客有魚二頃可供投轄飲五車爭羨載行書門前怕有
西臺使未許
興公賦遂初

和帥初稽亭山三三洞韻二首

元詩選中止錄一首

古洞堂隍敞危顛戶牖開陰靈藏雨電清絕雜塵埃破靜幽
禽響臨深騎鹿回百年山下路未省使車來

次廣教寺堅師韻

矮窗宜曉取朝陽高檻虛接莽蒼咒水鉢中蓮是幻坐禪
床畔竹偏長不須沽酒供彭澤耐可吟詩伴石霜想見六時
天樂下散花
吹滿衲衣裳

宛溪濟川橋成

錢王敬叔

十年湖海一樽同醉裏那知鬢欲翁投轄不緣今日雨論文
未減昔人風春隨流水三分盡酒重交情百罰空莫道雙溪
堪舉棹片雲來往敬亭東

舟次硤石避雨古廟

吳錕

漠漠春雲起巖谷白雨飛空亂如鏃牧兒狂步過橋西遠墅
微茫數家屋浪高雪陣風忽顛移舟小泊古廟前坐待天回
日西照江流不盡山蒼然

翠微寺

陳炳

麻衣休作獅子吼門外泉聲正拍空三十六峯渾不見翠微
真在有無中

前題

汪瑾

翠微寺前卓錫泉翠微峯與青天連蒼藤老樹意自古斷崖
飛瀑聲相喧縈林一徑入深僻到頭百畝寬不窄白雲隔斷

寧國府志

卷二十四

藝文志 詩上

五十四

世俗塵圖畫天開洗山色麻衣遺跡知幾年壁間畱題知幾
千請君細讀尚書篇後來佳句誰與傳松風滿耳出口去明
朝却憶來時路

紫雲巖

阮之武

石磴蘿梯隱翠微坐間時有紫雲飛紛紛郁郁來還去難問
瞿仙幾日歸

蓬窗

吳晦之

小室蕭然一釣蓬主人間散似漁翁有時風雨驚殘夢如在
松江煙浪中

春日卽事

山居無事到襟懷日午柴門尚未開啼鳥一聲春晝寂隔墻
風送落花來

敬亭山

黃潛

昔窺敬亭作今陟裴公寺徵素非始遊賞勝資深詣翛翛緣
水水宛宛交溪術綠縵澗草豐幽颺松颺駛微鐘響杳嶂高

閣浮花氣聿薰梅檀妙豈愛岑壑媚憑生實內惕卽事多冥
契息陰睇粉檟拏芳懷芝桂海嶽期屢遷石林路深闕經營
乖道要迫窄餘物累稽
首調御尊尙飲無生惠

九日登響山奉呈同遊者

吳師道

響山臨響潭曾識太白來我欲遊其間却愧非仙才況乃博
微官終年走塵埃幸茲九日至獲與羣彥陪高秋慘雲物簿
日翳復開駐馬青松陰披衿上崔嵬前眺孤城低下瞰清溪
迴諸峯送遠色攬結何雄哉野菊半含英濁醪初發醅且盡
一笑歡良會不易諧溪山宛如昨斯人化飛灰想見登臨時
逸氣橫九垓寧知千載後我輩茲徘徊呼之儻可作相其揮
予杯淒其暮色合颯颯疾雨催扶攜下登
舟水行沿灣隈仰看千仞壁浩歌散餘哀

遊三天洞

稽亭山下三天洞憶我金華物色同拔地飛崖雲洶湧映空
嵌穴樹葱蘢不知混沌何年鑿直恐神仙有路通終擬赤松
歸隱去清秋
還墮夢魂中

寧國府志

卷二十四

藝文志 詩上

五十五

水西道中

鳴鳩林外桑密眠犢沙頭草添春水石橋紅杏夕陽茅屋青
帘

送人之宣城

昭亭山下宛溪頭楊柳芙蓉岸岸秋總是舊時迎送處夢魂
猶逐故人舟

湖山廟

王相

千仞湖山涇水濱從來忠烈作明神一時江左英雄士死後
封王有幾人

曲肱亭

吳元用

少年曾綴集仙班袖手歸來水石間聞道半山還舊隱扁舟
乘興過龍灣

都官祠

斯文周喪未還淳首黜浮華復雅音蠻布織成春雪句誰傳
篇什過雞林

雲錦堂

高夔

曉山蒸氣生晴雲風縷織成西川紋爛然五色照溪水游絲
飛絮嘗繽紛鶯梭拋擲光錯落欲捲朱樓建高閣睡起不知
春淺深輕紅
又上桃花萼

澀灘

胡士瞻

涇溪西來數百里兩岸高山束流水中有澀灘欠疏鑿往回
艱險勞舟子白波粼粼石齒齒但聞嘈嘈聲聒耳謫仙作意
下陵陽爲看
敬亭曾過此

送萬戶府幕盧唐卿

孫叔達

天街自合驟驂驪戎幕何爲尙滯畱軍旅豈嘗忘俎豆貂蟬
元自出兜鍪三年明月膠東夢萬里西風宛水舟從此雲霄
看高步可能
回首謝公樓

潯川八景

存四

張景明

寧國府志

卷二十四

藝文志 詩上

五十六

山肩有夷行樵牧共來往高樹落繁陰風生海濤響未遂赤
松遊長歌起遐想
幽密兩山間梯徑通元圃猗蘭吐清芬隨風泛郊塢誰能紉
爲佩遠寄瀟湘浦
殘陽冒山巔黃金眩人目楓林醉秋霜相看共幽獨一鳥天
際歸欲問桃花宿
夕陽徧芳洲餘暉在高樹烏石動西風歸人正爭渡浮生舟
上飄隨風安得住

分巡涇縣

元久眞

西嶺霧嘗陰涇溪流水深軒窗一夜雨湖海十年心渡口梅
初落樓頭人獨吟風謠聞古調三嘆有餘音

松風亭

張師愚

長松蔭禪宇柯葉何蕭森清風一披拂奏作綠綺琴虬龍舞
空洞鸞鳳相與吟衆籟起幽聽太虛本沉沉儵然亭中人晏
觀妙音心閒得
悟明月生東林

侯亭遺蹟

芳辰喜清暇，攜筇出西郭。登高一以眺，山川如綺錯。昔聞趙宣城，築亭候賓客。嘉林蔭結構，翠嶺照丹艫。逢迎盡賢士，冠蓋擁阡陌。況有謫仙人，奇文刻金石。我來訪遺蹟，但見耶與壑。斷甃亂榛莽，隕址暗松栢。五馬不復來，樵歌空躑躅。人生一世間，富貴不盈握。所以崇令名，沒世耻寂寞。

登耕綠亭

張師曾

謝眺高齋外，誰知復此奇。一川藏菴畫，衆岫列罌罍。野綠耕初起，林紅種未遲。河陽新政績，風俗尙堪爲。

湖上納涼

劉道夫

鮮飈吟碧樹，淡月映清波。暑到重湖少，涼從薄暮多。短衣仍楚製，敝屣自商歌。坐久香浮席，露華初泫荷。

湖上納涼懷吳子彥

貢師泰

天風吹海樹，瑟瑟秋氣涼。河漢西北流，衆星耿微光。惜我同袍友，遠在水一方。相思不相見，展轉清夜長。遙聞鳴笳發，攬

衣月
蒼蒼

寧國府志

卷二十四

藝文志 詩上

五十七

題疊嶂參雲亭寄老士安監憲

層城極高爽，傑構峙嶒嶸。疊嶂散霞綺，雙溪迴以明。旌節一戾止，登覽群彥并。明月懸委佩，華星燦長纓。涼軒四面敞，坐看香靄生。神功倏舒卷，變態周入紘。終當溥甘露，從龍歸太清。

涇縣石壁道中

萬山從西來，中斷忽如劈。攢峯阻重關，兩崖立堅壁。絕壑噴飛流，觸石勢逾激。神龍宅其下，白晝飛霹靂。涉險恐羸驂，凌高快健翮。須臾得仙館，頗覺契幽寂。入竹敞涼軒，掃花吹鐵笛。坐久竟忘疲，塵襟忽如滌。翻思崎嶇間，使我心戚戚。

遊麻姑山萬松庵

積雨變秋思，清遊愜道心。過橋分履迹，問寺逐鐘音。紅墮鳥爭果，綠深魚占陰。何當脫塵鞅，重此契幽尋。秋日訪招提，雲深處處迷。殿門松影直，庭檻藥苗齊。接竹通流水，編籬護野畦。道人偏愛客，畱得樹頭梨。

麻姑觀

麻姑山下水涓涓十里青松引洞仙
齒菖夜開丹滿室琅玕
春長玉爲田空壇雨過苔痕滑
密徑風回樹影偏可是心清
自無暑更移
竹榻向林泉

送淵上人住涇縣延壽寺

半生辛苦住城西脩竹滿園蔬
滿畦正愛閒雲依疊嶂忽隨
流水渡三溪藤花院靜禪初定
槲葉村深路欲迷此去莫憐
知已少青山
到處可畱題

秋日同遊敬亭得并字

汪澤民

湘中三年夢鄉井敬亭重遊心
自醒雙流夾鏡一溪來千仞
齊雲兩峯并叢祠秋報同莫桂
蘭若晚酣催煮茗晴嵐煖翠
約花時往覓
丹梯登絕頂

遊黃山汪南山先生惠詩以病爲辭次韻答謝

軒轅輕舉同浮邱黃山到今仙境畱
攢峯排雲三十六勢壓
地軸雄南州元鄉倒景接虛曠
太空清氣憑蕭颺恍疑萬里

寧國府志

卷二十四

藝文志 詩上

五十八

運鵬翼政似五月思貂裘嘗聞丹爐靈藥在
寶光夜靜干斗
牛我行雖云愜素尚黃鶴不返令人愁憶年
弱冠披圖經白
髮荏苒四十秋遐觀奇絕勿輕去山靈特爲
驅煙霧吾宗詩
翁期不來天風吹落驚人語何時同此采真
遊塵緣誓將脫
羈囚人間萬事一杯
酒鼠肝蟲臂徒包羞

翠微寺

汪澤民

欲雨不雨天墨色將崩未崩石偃側溪谷綠
雲已萬盤風雨
欺人作三厄客遊已慳天不慳雷電翕歛
噓晴瞰諸峯倒景
互明滅照耀金碧開山門清都紫微徧象
緯旃林貝樹羅山
樊十方下視沙界迥佛骨不受炎歛祥麻
衣老師寂滅久問
法差與山僧論但餘卓錫古泉水念念欲
洗塵眼昏嗟子世
網久躑躅坐覽古跡空盤桓莫歸却滅山下
路杳杳飛鳥投
村芳

紫山寺晚望山門

撈絕瞿硎地中藏六洞天山門雲引路石室
月通泉鳥徑莓
苔澁僧房紫翠連曾聞地主說悵望夕陽邊

四月九日新霽景氣清淑偕宗英公仲自天都峯側遊湯泉

道中偶成

天都竄出諸峯上曙色嵐開逸興催半壁暗泉吹冷雨懸崖
飛瀑吼晴雷白雲縹緲仙鄉遠碧落高寒俗駕迴自笑生平
愛清境冥搜
不厭歷崔嵬

九日陪高梅居登高復畱賞菊懷仲淵三天載酒之約去年

疊嶂登高之會

汪澤民

度水緣山取次來夕陽歸影尚徘徊白衣悵望三天路烏帽
風流九日杯菊老東籬容作客山圍北郭記登臺明年載酒
知何處莫遣
西風暗裡催

祥符寺追和文敬所壁間韻

蒼山寒日近禺中揭淺緣深足繭重僊子未歸遼海鶴軒皇
曾馭鼎湖龍詩題古壁無人續夢斷鈞天何處逢欲問故侯

寧國府志

卷二十四

藝文志 詩上

五十九

應不識空遺
蕭寺鎖雲峯

石鏡

石鏡照姦惡火光不磨丈夫心地險莫向此中過

題崇古寺

十八巖前羅漢竹百千洞裏老龍泉山僧約我重來日花落
花開五百年

宣城客中偶書

眼看春宵擁勝遊漂零迴首媿沙鷗黃塵烏帽知誰爲白飯
青芻復此畱未必嵇康能作吏何妨李廣不封侯敬亭雲鳥
知無恙歎段
惟須逐俊遊

丹霞篇寄冲妙觀方友

何儒行

麻姑諸峯插脩翠麻姑仙人鳴玉佩中有道人餌丹霞採木
餐芝鍊元氣此地昔年我曾遊蒼崕碧樹煙雲秋煙雲秋仙

壇石老苔花幽尋觀怪石獅子踞石壁落日猿愁元猿愁
白鶴舞相攜東風凌紫霧琳宮丹闕摩太清下視人寰隔風
雨丹秘金爐深劍藏石匣古揮手接高眞飄飄已遐舉道人
笑掬山下泉竹房茶竈搖輕煙天游高亭據幽勝玉堂竇翰
何清妍却登齊雲閣持觴勸明月滿山風滿林醉來清
夢欲飛越我無負郭田我無買山錢一邛一壑肯乞與便須
寫我丹
霞篇

永慶寺

澄江西畔叩禪扃暖日聯鑣趁踏青茂樹清泉丞相宅閒雲
飛鳥謫仙亭山中不雨花常潤林下無人蘭自馨醉後摩挲
庭外碣風霜
杉檜幾朝經

上元日侍宴疊嶂樓

卞思義

上使開華宴高樓倚碧霄山如屏嶂列風逐管絃飄事簡春
偏永歌長酒易消月明人散後驄馬不勝驕

侍宴疊嶂樓

寧國府志

卷二十四

藝文志 詩上

六十

使君閒暇宴高臺珮玉珊珊得重陪無數好山成疊嶂一灣
流水似天台煙中佛寺藏樓閣火後人家半草萊不用登臨
增感慨春風
梁燕又歸來

九日遊翠雲菴

劉鑄

小山叢桂久徘徊長嘯穿雲去復來晴日半窗開野色翠瀟
千頃愜詩懷與狂肯落風前帽歸晚頻移月下盃却憶襄陽
杜工部當年
多事強登臺

送憲司張仲端經歷

劉得之

蒼水連雲合清溪遶郡流山川入歸思煙雨送行舟贊幕多
奇畫還鄉只敝裘平生張給事名作漢庭優

武陵送芮太守還宣城

貢性之

老去親知見面稀見時無計得同歸遊絲落絮都成恨社燕
秋鴻各自飛杜宇叫殘孤館夢西風吹老故園薇明年春雨
南湖漲擬把
長竿坐釣磯